

淮
海
英
靈
集

淮海英靈集目錄

鄉人阮元韶

丙集卷一

季開生 季振宜 季公琦 季舜有 季載可

謝良瑜 張習孔 張師孔 楊麓 宮偉鏐

蔣易 朱辰 李穎 賁琮 夏九敘

袁懋年 范國祐 許納階 魏鞏 于瀚

夏洪基 卞善述 易東 黃師憲 張李鼎

王文師 王文樞 王文奎 喬出塵 喬萊

喬崇烈 喬崇修 喬鐸 喬億 喬大鈞

喬仙伊 喬方立 郭元鈺 王式丹 王懋竑

王懋謙 王懋訥 王希伊 繆肇甲

丙集卷二

唐綏祖 唐紹祖 唐繼祖 唐翰 方覲

蔣繼軾 朱景 宮夢仁 宮懋讓 宮懋德

宮懋教 宮翼宸 宮離 汪天與 汪淳修

郭法 夏聞善 夏之芳 夏廷莢 夏之蓉

夏廷芝 夏曉春 張師孟 姚恭 顧不疑

汪昂 錢青選 馬星 圃鴻

丙集卷三

范國祿 范遇 范廷瓚 范徵書 許納陞

范荃 郭彭齡 張琴 高卓 袁洋

焦熹 閔廷容 閔宁 黃履岳 黃溥

黃法 楊大任 張輅 張進 江鑑

阮玉鉉 許建章 于璠 卞占五 汪崑

張鵬 蕭文蔚 趙日經 張文豹 梅廷式

吳容 吳宗 吳翀 吳繼元 吳葵

張楫 李茂 蕭暘 李瑄 閔奕佑

王棠 高採 許信瑞 劉宗霈 管宏進

田文潤 尚友 洪馥 茅默 倪岱

施銓 王玉藻 王方岐 王方魏 王巖

周儀 强惟良 施原 顧九錫 劉梁嵩

汪祚 馬榮祖 張學舉 董偉業 王倣

吳家應 盛園春 吳仁煜 胡存銘 胡良瑚

管一清

丙集卷四

鄭燮 李義賢 江世棟 江昱 江旻

江德堅

江德量

申甫

鄭景誠

保培基

羅興禧

汪堂

汪文珂

繆湘

繆祖培

李少白

汪吉榮

任陳晉

朱箕

唐思

淮海英靈集

鄉人阮元輯錄

季開生

字天中號冠月泰典人順治丁亥進士入翰林

宸英稱爲本朝第一諫臣著有冠月樓詩並出關草

其弟振宜書後云此余兄安置遼東諸什也順治乙未

余兄被出關庚子夏世祖章皇帝下詔將賜

允歸葬徐乾學序畧云往歲戊子天中先生爲諸生赴

試金陵邂逅桃葉渡上與余兄弟楊論彌日越六年余

偕季弟應試入京先生禮垣余執弟子禮修謁道故

極驩未幾抵獄猶論詩三百篇離騷漢魏源流升降掀

髯而談畧無愁慘之色笑語余曰五湖烟水與君共之

耳今大司馬宋公時爲庶吉士告假南還余附其舟至

滄州值朱澹子侍御至云季給事長流遼左矣余不自

知涕之交頤也同邑潘山人弱水隨先生出塞一日杖

策還里睦日審視悲喜并集先生寓書於余媿媿數呼

言戀庭梓念朋好言皆悽惻非復都下越獄時語嗚呼

其可悲也已世祖皇帝追念舊臣下詔褒美欲

還蔡邕於朔方徙馬融於右屯而先生先已長逝矣先

生敦友誼重意氣藹乎若春風及與言國家大利害必

以寒蟬仗馬捫舌喪心爲病今先生南宮在天壤垂休相示距出關之歲蓋二十五年而先生之弟南宮情興固可想

見其卽事有云絕塞有山多北向重邊無水不西歸雞
鳴夢訝參朝晚鳥哺心傷進膳違哭李龍袞云人間愁
苦矜先脫天下艱難誰共肩送左大來先生雖遷謫每
首邱須淺葬好畱枯骨待恩波先生雖遷謫每
飯不忘君父而預知貫日之虹
送左語遂成詩識此余所展卷歎歎而不能已者也
格云給諫奮死直諫使江淮南
北之民陰受其福而人不知也

入西山善應寺

下山上山異草木出山入山異天地山空歷歷清泉聲結引
松風寫秋意拄杖還登最上峯雲抱巒迴壓危寺挂壁黃花
冷笑人苔封破碣何朝字八十老僧不能揖逢人猶話當年
事

酬須介繁

並舫滯江濱天涯得比鄰河山寬醉眼風月受閒人酒覺他
鄉好情憐久客真但愁沈火夜未慰倚閭親

關前誌別

罪軀幸得

主恩全餞酒蕭條轉授鞭奄普灘平魚陣淺句離天濶雁行
偏不辭馬骨埋邊雪敢惜牛衣臥塞烟今日玉關無內外臨
歧握手莫潸然

洗馬橋贈王三俠君

靈岬北下莽蕭蕭舊是單于洗馬橋野檜帖山垂白葉番河
歸海逆紅潮共傳

化日銷兵甲不厭寒星送使輶萬里

天書自西出吟鞭應歎斗牛遙

尙陽堡卽事

新燒懸崖淨積莎遠隨甲騎渡柴河虎頭作客休投筆雞肋

從軍漫荷戈，骨肉書傳遼塞少。
林泉話入故園多，邊城老將
秋霜下夜半，聞笳起自歌。

草橋跨澗水，粼粼不厭羊裘把。
釣綸每愧野人勤，縉米久勞
隣媪代炊薪。牀前見月家園夢，雪後聽鴻兄弟情。
酒濁却憐詩興淺，三秋不敢憶鱸蓴。

五雲長繞舊

皇畿萬里孤臣寄，翠微極塞有山多。
北向重邊無水不西歸，雞鳴夢訝參朝晚。
烏哺心傷進膳違，寧惜斃斃沙雁影難隨。
霜月入關飛。

鑿冰十丈得泉歸，却望千峰白雪圍。
海岸漁樵生計淺，天涯親舊過從稀。
頑山入屋霜連枕，秃樹當門月上衣。
窮旅不嫌兒女怨，夜添松火敵寒威。

送左大來先生葬

重關不禁旅魂過
夢裏看君渡塞河
白日總悲生事少
黃泉翻羨故人多
荒臺啼鳥圍松柏
廢苑寒雲鎖薜蘿
未遂首邱須淺葬
好畱枯骨待

恩波

遼陽道中

關連白草暮雲平
東望

龍樓紫氣生
烽羽久停無
夜哭管絃將動有
春耕海潮仍洗
殘兵壘邊日
曾窺大將營
隋堞唐宮皆寂寞
惟聞山杵夜虛鳴

季振宜

字說分號滄葦秦興人給諫開生弟順治己亥進士官監察御史巡按山西鹽課彈章數十上以風

節著各著有靜思堂詩稿一卷所藏宋板書及影宋鈔本書富備甲于海內

送馮三硯祥

江北秋風生江南秋水平
舟寒霜葉落村靜露雞鳴
此去逢黃菊相思寄綠橙
推篷殘月在行李重前程

滄州古剎

齒齒魚鱗泊客船浮圖倒影水淵淵
嘶風老馬斜陽裏茹菜窮僧古佛前
宦海于今非故我情田何處問諸天
新聲一夜江南笛落盡明霞月又圓

贈白門丁繼之

夜夜金陵夢所思君今猶是故棲枝
杯傳燭影人如玉柳眉波光月似規
白髮遺民翻舊譜烏衣年少唱新詩
繁華搖落秋無限木老烟寒總不知

石城大隱早忘機今日相逢暫拂衣
一代風流能有幾六朝

烟月是耶非當門瑟瑟波千尺隔岸絲絲柳十圍羨爾草堂
真可戀秋深雙燕繞梁飛

夜夢亡兄書寄柩前用代醅酒

曠野獸錚錚高山石嶮嶮金風吹浙浙白水流瀾瀾河廣激
長流流急岸崩圯見兄隔彼岸欲就乏舟艤遂有濟子者亂
流舟若駛呼兄兄呼弟相見甚相喜攜持各一手分明見十
指顏色非平生無復舊冠履契濶豈多年別離昨日爾長跪
問我兄胡爲瘦至此兄云汝不知我今長已矣形骸關塞外
日閉黃泉裏青藤纏木棺寒冰浸骨髓隣寺聆鐘鼓隔土藉
荆杞天遠難踰越地老瞻岵岵朋友宿草盡爺孃四千里耶
喜精神健孃食無甘旨三妹又長逝白髮將誰倚汝嫂目失
光石英覓燕市從來敬寡嫂青鳥化童子莫我兒飢寒我兒

方生齒我聞淚下雨長跪不能起我欲有所啟收淚復長跪
白馬真死友弟曾無錢紙遼東古戰場賢愚屍積委鬼強射
虎儔兄弱雕蟲士一唱和者稀筆視雜弓矢燐火連破冢託
足兄焉恃兄云汝不知夜臺無曉理偷兒盜青瓊魂憑烏皮
几沽酒邀修文冉冉荒烟水欲行我自行欲止我自止
聖人復我官旅櫬歸桑梓所遺七八口汝當速經紀寄語掌
史官慎勿挂青史我聞淚下雨長跪但唯唯唯唯更悽悽得
無我亦死

病馬行

憶昔主人富且強不愛金珠愛驕驍金玉爲槽粟爲糧親被
銀鞍錦繡裝東風三月試康莊擎鷹牽狗逐秋霜一匹當前
萬匹降主人大喜累舉觴白旗黃巾起攘攘戈矛劍戟進如

牆國恩應在此時償戰血盈身戰未央賊肉充餓血作漿盲
風黑雨勢猖狂短兵急矢難隄防尸橫原野尸不僵賊亦愛
馬挽馬韁主人之恩何可忘不傍仇讐傍豺狼毛黃肉削落
荒岡高山之水流湯湯萬折千盤聒夕陽荒荒瘦影野月光
啾啾餓鳥啄背瘡我願世人屠其腸腸同鐵石當久藏誰肯
裹革埋沙場買骨猶餘國士香臨風遠憶燕昭王黃金臺前
日脚黃

季公琦

字希韓號方石秦興人
侍御振官弟選拔貢生

懷宋荔裳觀察蜀中

邗水駒驪惜別喧燕京書到劇銷魂聞君卻往魚鳧國何客
能忘謝豹村宦轍千盤迴劔閣詩心萬里繞江源那堪故舊
俱天末放眼青山失酒樽

重九後一日仁山家弟約游湖亭因懷天中滄葦兩兄
重陽已負登高履此日欣逢小陸招節物林園多變態湖山
笑語尚今朝倚樓風葉當杯墮繞樹霜橙隔水搖轉爲談深
生涕淚年來心事極蕭條

季舜有

字闕山秦興人康熙戊午副
榜貢生官浙江嘉興府同知

秋水

收拾詩囊上畫桡秋光澹澹水迢迢叢蒲隔岸新漁舍疎柳
西河舊板橋沙石鷗眠清夢穩烟波虹浸碧痕消臨流欲渡
暮雲合何處西風起玉蕭

十八夜獨上石壇看月

銀波洗出玉霄清月在花宮分外明午夜幡幢飄客影一秋
風雨讓宵晴雲邊鸞鷁棲瑤樹海上神仙集玉京華髮蕭蕭

成小立銀河縹緲想吹笙

季載可

號吟四
泰州人

送友

杖藜我獨悵臨歧餞不能
沽酒一卮難後氣平多病日牀頭
金盡暮年時斷橋細雨人初別
野浦銷魂擢乍移幾度離情
戀帆尾老來愁絕是生離

謝良瑜

字鍾山江都人順治初卜築於棠湖
之上是爲畦園著有畦園集四卷

次荅冒辟疆原韻

大雅存今日高名重昔年
巢居開水繪芳詵隔湖天
酒惜三分月花飛十二絃
應知常繡佛揮塵正悠然

題江都舊令林青紀夢集後

讀罷悲歌淚滿巾更憐遊子泣風塵
請將伎佛施僧具移待

天涯失路人

夜起獨步霜月下

不待雞三唱難禁漏四更卷簾邀霽月酌酒勸長庚燈黯隣
家夢砧空永巷聲夜闌愁不寐霜氣逼衣輕

張習孔

字念難號黃嶽縣籍生于江都順治己丑進士
任刑部郎中山東督學僉事所著有太易辨志二
十四卷禮弓問四卷詒清堂集
十六卷雲谷臥餘二十八卷

楚遊

愁絕黃荆峽碎旬萬騎奔拍天風雨疾坵地電雷翻急起防
崖逼驚呼隔浪喧莫言瞿涇險只此足消魂

氣殊昏曉變西蜀隔秦中翳樹天光黑霾花霧影紅狼愁子
嶂雨鵝嘯一江風心激濤聲壯悲吟眺碧空

張師孔

字印宣江都人所著
有柘園集歷候詩

夜泊虎邱聞笛

小飲山塘酒懸燈櫂更移水亭吹笛處霜月泊船時隔浦漁
烟合還家客夢遲西風吹不斷竟夕起相思

楊

麓

號不周山人通州布衣
著者有柳竹堂草一參

別離歎

楊柳桃李時獨立春風裏蝴蝶雙翩翻豈直尋花喜登樓望
行人行塵飛不已

宮偉鏐

字紫陽號紫懸泰州人前崇禎進士官翰林院檢
討國朝兩以薦舉起用授終養例辭歸築春雨

草堂於小西湖遺址閉門著書有春雨草堂
集五十卷以子夢仁貴贈光祿大夫

宿寶應李氏園亭

長堤湖水濶客到草堂幽檻外倪迂樹窗前范蠡舟晴鳩啼
雨濕海燕掠沙秋落日平安道渾忘汗漫游

蔣

易

字前民號蔣山江都人

雨後同史成江頭待月

龍吼滄江去漁舟唱晚晴浪空山吐影虹見雨收聲好待禽
徐月清談北府兵一襟風露冷脈脈寄深情

秋夜江城寄豫菴

雨歇晚鐘邊秋燈照不眠江暄殘月夜雁矯欲霜天磊落思
游侶蕭閒淪細泉驚人應有句會向竹西傳

別王于一杜于皇先還瓜渚不得到焦山

孤嶼望不遠渺然烟霧青漁舟牽世務樵客向空明鳥挾風
歸樹江流月到亭異時應得上處處記曾經

婦愁

倉卒攜家竄西風倚舊林不堪寒信逼莫怪婦愁深村稻殘

秋雨隣衣急夜礎江湖人竝笑飄泊爾何心

清涼山頂別于皇

招提上夕陽別酒置崇岡秋老孤帆色人輕百戰場江雲平
楚岸風葉減吳霜來日空回首思君獨渺茫

朱

辰

字界洵寶應人康熙丁丑進士官諸暨知縣

秋過射陽湖有感

淮水分流自北東桑田汨汨浪花中但看無數哀鴻影不似
當時牧犢風捕蟹層懸秋雨黑採菱船剩夕陽紅年年瓠子
勞沈璧鼈背何人奠大功

李

穎

字箕山秦州人

豫讓橋

豫讓橋頭落日黃行人攬轡相徬徨當年君讎未得報至今

悲風夜聞嘯伏廁斬衣不憚死祇爲受恩酬國士自言欲愧
二心人猶說中行與范氏可憐作事雖苦辛魚文七首終生
塵君頭久漆爲飲器何惜亡臣一漆身

賁

琮字黃禮
如鼻人

江亭東望

獨上江亭望故鄉迷離煙樹晚蒼蒼分明一水無多路不見
柴門見夕陽

夏九敘

字次功
江都人

讀史

選二

吳起求魯將殘忍殺其妻齧臂期卿相母死竟不歸骨肉薄
如此善將奚以爲曾子與之絕聖賢重綱維

建儲爲國本丞相操其權如何立胡亥乃聽趙高言斯欲困

爵位牽犬徒煩冤天意急亡察生斯非偶然

袁懋年

字仙客
秦州人

別姑孰端子

攜手何堪秋月殘郵亭相送意漫漫歸時只恨江波濶常向
青山斷處看

范國祐

字汝申號寒泉通州人
初時諸生著有天庸齋集

焦山

處士今何在寒江澄太清日從天際落雲向水中生靜對金
山寺遙臨鐵甕城遺風高萬古應識爲逃名

花下對月

偶爾成佳夕疎枝鬪淡粧幽懷渺天際遠逕落青霜

許納階

字元錫
加阜人

道路擬山中

征衣羈旅寒狂飈迴孤館秋山響易悲客子心難緩迢迢萬里遊誰與訴衷欵偃仰發浩歌我心終憤懣何如山中樂寢食忘櫛盥緬懷高尚士圭組不欲纂外物無由牽蕭然耽疎懶雲陰飛菌閣日高衆鳥散魴魚烹山廚舉觴時放誕得性且爲歡惠風送絃管胡爲塵鞅者僕夫日云瘡

魏

鞏

字庭堅
江都人

同半禪登燕子磯

突兀臨江右千年老樹斜孤亭堪載酒落木更聞笳野艇依高岸疎鐘散晚霞共憐時已暮不定是寒鴉

于

瀚

字穎士
江都人

遊靈谷寺夜雨

蕭寺白雲封登臨十里松深山餘野鳥夜雨失蒼龍人出寒
澗落僧歸白霧濃此行意未盡更欲到前峰

夏洪基

字元開
高郵人

新城夜泊遇雨

停橈宿江澚山靜暮潮平
佑集臨溪市漁吹隔岸燈
菰蘆聞一響風雨欲三更
明日金陵道煙波可問程

卞善述

字耐菴
江都人

觀匡廬圖中彭澤縣有感

我思彭澤縣昔日有陶潛
作吏人俱羨折腰君獨嫌
事隨當日往名與此山兼
獨坐披圖久清風自入簾

易

字田授
泰州人

趙孝子

武鄉人報父
讐殺賊而死

淮海英靈集

丙集

卷一

廿

痛哭前朝事，傷心忠孝門。
千秋爾父子，百戰此乾坤。
井碧孤臣淚，山青烈士魂。
臯狼重過處，慷慨向誰論。

黃師憲

字汪若
秦州人

喜天濤兄自燕京旋里

舊好存棠棣，新詩愧竹林。
但存今夕話，還是隔年心。
露濕花枝重，燈昏戍火深。
依依十日飲，愁絕塞垣吟。

張李鼎

字吾鼎
如臯人

別二弟元昆

餘生眞意外，忽訝汝重逢。
萬語見時塞，三年離恨濃。
淚隨分水嶺，愁歷幔亭峰。
此去又南北，同時慘別容。

王文師

字鶴臯
江都人
拔貢生
康熙壬午順天舉人

曉行與野老閒話

繫馬垂楊下閒過野老家不須通姓字且與話桑麻隴霧驅
晨嶺林煙散早鴉行行衣履濕殘月水西斜

題高宮詹北墅

溪雲曲曲綠成陰五畝園亭俗不侵山色水光當晝靜鶯啼
燕語自春深半窗竹影容高臥一縷茶煙入醉吟謝傅不須
誇賭墅幽情時復寄鳴琴

王文樞

號澹曲
江都人

野望

盪胸天宇濶身在碧雲間雨長雷塘水煙開瓜步山空林羣
鳥亂野渡一僧還更愛蘆漪曲漁家半掩關

王文奎

字東宿
江都人

自清涼山下至烏龍潭復尋朱氏林亭

登臨蠟阮屐此生當幾兩高墊折角巾瘦捉枯藤杖白門城
北隅菁葱疊巖嶂禪關落松花清磬淨諸妄鳥道下雲竇龍
宮闕秋漲曲沼漾衰蓮臨溪屋如舫短垣絡山腰翠嶺橫衣
桁寧須問主人看竹恣吟暢斜暉淡遠峰長江望滉漭林臯
墮宿羽樵響蒼漁唱何緣此結廬人境渺塵埃

初冬集家樓村殿撰鴻柯草堂

西崦斜陽墜晚紅一庭寒影月如弓早梅詩興追何遜舊雨
交情勝孔融滅沒征鴻投暝色參差殘菊剩秋風坐閒亦有
思歸客雅取談諧入句中

喬出塵

字雲漸號疑
菴寶應人

宿漁家

短笛西風裏江深夜氣澄荒天四面水老屋半間燈畱客行

沽酒呼兒代補晷月明欣共醉看徹碧層層

早春過吳陵晤冒辟疆王象山陸縣圃

爲憶寒梅破薄煙乘風載上海陵船名園得到逢春色舊雨
論交失少年詩社已空囊裏錦酒旗莫負杖頭錢搏沙歡聚
眞難得肯放流光去眼前

懷汪蛟門

水浸荒城板屋涼門橫百道接蒼茫無多翠竹圍寒日賴有
紅梨上早霜別後忽驚時易改秋來猶喜夢能長請看庾亮
樓頭月正照雲堂薛荔牆

喬

萊

字子靜號石林寶應人康熙丁未進士授中書舉
博學宏詞授編修歷官侍讀朱竹垞彝尊墓表云

君諱某祖以上不仕父可聘明天啟進士掌御史以廉
直聞君中康熙二年鄉試六年成進士除內閣中書舍
人十一年充順天鄉試同考官以父老終養尋丁憂服
除補原官十七年舉博學宏詞試一等授編修纂修明

史史館初設在東安門內肩輿不得進君體肥窘于步

越騎贏出入考稽典籍會廣西平補行鄉試奉

命主考稱得士上再試詞臣悅君作曰喬萊學

問優長文章古雅命充日講官知起居注遷中

允纂修三朝典訓進翰林侍講再進侍讀本

朝漕運沿明舊制自淮入河以達會通河既失故道從

安東入海清口日淤淮泗泛濫由洪澤以南諸河下注

治河使者又開減水壩洩之淮揚州七蕩析離居稽

事相視還報可乃出帑金臣奏濬海口以瀉積水遣使

龍董其役總督河務都御史斯公輔上言海口高于雲

梯關五尺疏海口則引潮內侵大不便因請築隄東水

使高置二廂于邵伯鎮南高郵州城外泄洪澤野貽天

長之水俾入隄自車邏鎮築橫隄一道抵高郵自州城

東築大隄二歷興化白駒場至海口東所洩之水入海

計需銀二百七十八萬有奇請先給帑而徐取償于田

畝子粒網鹽又請設官二百七十餘員擇才能者任之

疏入上御乾清宮西煖閣閣臣奏事畢上上願

問君濬海口事宜君直前奏河臣疏非是上悅

日此爾一人意見邪君對淮揚人所見皆與臣同翼日

合戶科給事中劉國祓等十人持議河臣之言有四不

可行海口原有故道第令塞者通之淺者濬之俾停蓄

之水悉趨于海斯已耳河臣議開大河築長隄隄在內

| | | | | | | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|---|---|---|---|---|---|
| 臣 | 安 | 返 | 遭 | 或 | 有 | 必 | 著 | 上 | 十 | 易 | 語 | 可 | 河 | 縣 | 于 | 斃 | 矣 | 向 | 取 | 不 | 百 | 地 |
| 進 | 知 | 初 | 遇 | 死 | 言 | 皆 | 書 | 意 | 三 | 其 | 罷 | 行 | 不 | 之 | 屋 | 伏 | 臣 | 土 | 可 | 八 | 者 | |
| 言 | 不 | 服 | 于 | 于 | 責 | 言 | 如 | 且 | 年 | 中 | 歸 | 四 | 能 | 田 | 屋 | 秋 | 積 | 築 | 行 | 十 | 高 | |
| 者 | 別 | 而 | 成 | 死 | 者 | 官 | 常 | 不 | 春 | 著 | 治 | 入 | 入 | 廬 | 廬 | 以 | 水 | 隄 | 一 | 丈 | 丈 | |
| 勿 | 有 | 盛 | 所 | 于 | 自 | 也 | 時 | 測 | 有 | 易 | 廢 | 於 | 於 | 之 | 上 | 丈 | 中 | 不 | 河 | 尺 | 河 | |
| 援 | 任 | 時 | 或 | 斃 | 唐 | 工 | 居 | 既 | 侯 | 俟 | 圖 | 河 | 河 | 豈 | 則 | 投 | 知 | 臣 | 之 | 必 | 必 | |
| 君 | 使 | 片 | 斃 | 于 | 宋 | 執 | 數 | 至 | 二 | 十 | 日 | 即 | 今 | 有 | 高 | 諸 | 臣 | 鄉 | 議 | 壞 | 龍 | |
| 以 | 特 | 言 | 于 | 獄 | 元 | 事 | 月 | 初 | 卷 | 縱 | 是 | 東 | 安 | 郵 | 六 | 深 | 地 | 先 | 龍 | 畝 | 畝 | |
| 爲 | 不 | 動 | 或 | 以 | 明 | 亦 | 病 | 不 | 十 | 君 | 君 | 河 | 枕 | 以 | 之 | 淵 | 卑 | 築 | 毀 | 村 | 毀 | |
| 戒 | 幸 | 于 | 殞 | 來 | 以 | 可 | 作 | 督 | 二 | 河 | 臣 | 使 | 而 | 北 | 工 | 工 | 原 | 圍 | 落 | 十 | 十 | |
| 而 | 而 | 于 | 于 | 詞 | 諫 | 以 | 遂 | 過 | 十 | 之 | 之 | 高 | 者 | 靡 | 安 | 安 | 無 | 墾 | 十 | 丈 | 丈 | |
| 不 | 善 | 杖 | 于 | 臣 | 而 | 不 | 不 | 君 | 卷 | 之 | 之 | 乎 | 乎 | 有 | 得 | 成 | 乾 | 用 | 丈 | 丈 | 丈 | |
| 善 | 乎 | 下 | 下 | 之 | 不 | 起 | 起 | 入 | 十 | 乃 | 乃 | 中 | 中 | 遺 | 成 | 成 | 土 | 水 | 丈 | 丈 | 丈 | |
| 漁 | 表 | 論 | 論 | 以 | 呼 | 呼 | 呼 | 京 | 卷 | 寢 | 寢 | 之 | 之 | 即 | 亦 | 亦 | 況 | 車 | 丈 | 丈 | 丈 | |
| 洋 | 諸 | 世 | 世 | 言 | 古 | 古 | 古 | 師 | 十 | 未 | 未 | 何 | 何 | 當 | 易 | 易 | 積 | 踏 | 丈 | 丈 | 丈 | |
| 王 | 墓 | 者 | 者 | 獲 | 之 | 之 | 之 | 居 | 卷 | 幾 | 幾 | 日 | 日 | 未 | 壞 | 壞 | 潦 | 去 | 丈 | 丈 | 丈 | |
| 士 | 後 | 盡 | 盡 | 罪 | 不 | 不 | 不 | 住 | 十 | 日 | 日 | 復 | 復 | 伯 | 不 | 不 | 已 | 丈 | 丈 | 丈 | 丈 | |
| 正 | 之 | 傷 | 傷 | 者 | 入 | 入 | 入 | 人 | 卷 | 復 | 復 | 出 | 出 | 以 | 行 | 行 | 久 | 丈 | 丈 | 丈 | 丈 | |
| 云 | 以 | 焉 | 焉 | 多 | 則 | 則 | 則 | 疑 | 十 | 出 | 出 | 不 | 不 | 南 | 行 | 行 | 一 | 丈 | 丈 | 丈 | 丈 | |
| 門 | 詞 | 矣 | 矣 | 矣 | 罪 | 罪 | 罪 | 疑 | 三 | 不 | 不 | 入 | 入 | 皆 | 行 | 行 | 日 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |
| | | 矣 | 矣 | 矣 | 矣 | 矣 | 矣 | 矣 | 三 | 入 | 入 | 入 | 入 | 爲 | 行 | 行 | 一 | 丈 | 丈 | 丈 | 丈 | |

人編修喬君子靜以康熙二十年冬典粵試往返半歲
有詩若干編爲一通自洞庭瀟湘南嶽九疑以至零陵
桂林諸名蹟犁然皆具而其詩又奇秀峭拔與其山川
相似至於摩崖碑黨籍碑數篇於前代興亡人才消長
之際尤三致意焉非僅
後登臨遊觀之美已也

確山道中

中州天下腹厥田異斥鹵如何南汝間千里餘曠土道詢九
十翁涕出語未吐流寇昔煽亂中原競鞶鼓殺戮兼流亡千
百存四五村落人絕稀城市屋可數荒山相經亘白日仗弓
弩余意殊不然汝等逢

聖主賜租更發粟修文況偃武牛種亦易致旱潦非所苦休
養四十年胡不治場圃老翁淚縱橫斯理公未覩戶少徭未
息民貧吏如虎居者不可畱缺者詎可補如欲起瘡痍何能
逢卓魯聞言三歎息誰其任州府

山行雜詩

自明港驛
至應山縣

馳驅信陽道岡巒吁可怪糾互蛟螭蟠峭削天地隘凹凸相起伏百里且千態豺虎穴其中早行客所戒梯雲睇嶙峋臨澗俯澎湃既下又復上人困馬亦憊

過應山縣弔楊大洪先生

嗚呼有明神宗之季國旣馳光宗繼之更短折維時先生官給事顧命乃與大臣列防微肩鉅定大計選侍移宮一朝決再起中丞赴雙闕大柄已被閹人竊乾兒義孫滿廟廊二十四罪憤所切赤縣爭高官者祠彤廷遍染忠臣血詎有焚賊楊大洪舍人寧死心如鐵或言漢之府顧潔其名唐之牛李營其穴宋之蜀洛明東林黨禍紛紛蹈覆轍封疆已被門戶誤遂譏先生太激烈君子不與小人爭張禹孔光更何別君

子豈能禍國家目爲黨人正氣絕嗚呼正氣絕國乃滅

港口驛

王程有常期勞瘁孰敢憚繫馬港口驛維時日已冥寒流咽
亂石老樹號高岸伐竹製郵亭賊退民亦散徒旅脫苦飢竈
冷不可爨黑雲蔽空來仰視蒼厓斷四面雨兼風不寐夜方
半山荒豺虎驕頗以身爲患

雲溪驛

溼雲紛紛來出岫疾如箭分明膚寸間俄頃千崖遍早行過
雲溪雪花大如片煙靄時淺深林巒遞隱見蒼茫萬仞山巒
面不可辨晨曦翳復吐峩峩垂一線平生山水懷對此心所
羨不逢風雨交烏能窮其變

望衡岳

衡山之峰七十二峩峩祝融尤崢峴我欲杖策躡其頂屐齒
遍踏青芙蓉蘿蘿晚宿上封寺夜觀日出扶桑東更探巖洞
滿坪谷窮搜冥索尋仙蹤神芝瑤草縱採摘連根徑拔千年
松偃仰欲共怪石語盤折況有飛泉逢致身福地妙難述那
復塵事填心胷嚴程未許三日住又遭巖壑雲雷封湘流九
面分向背但見面面空翠摩蒼穹

鐮耨

飛瀑懸厓下中流疊石奇孤峰連楚粵二水劃湘灘越嶠成
渠久戈船下瀨遲只今舟楫利還祀伏波祠

靈渠

史祿穿渠後經過利涉輕舟行秦嶺隘水入桂江平象峒澄
潭黑龍湫溽霧腥如何憂越嶠不念隴頭耕

獨秀峰

孤峰拔地起峻極罕其匹延緣無坡阜下上乃如一高疑祝
融來峭如巨靈劈技癢上絕頂扶策不自必陟趾衣積澗及
椒足增疾野雲來盪胸懸磴時鬻膝頻休晷過午履危畏及
戍力疲再再鼓躡巔寒更慄蒼茫風日殊歷亂林巒出陡厓
寰區卑突喜障礙失遠近兼巨細一覽總能畢昔在藩邸時
勝事土人悉池受嵐光烘翠落丹樓溢亭榭旣蜿蜒竹木亦
蒙密陰晴有殊態延賞無暇日繁華三百載一朝遂蕭瑟旣
往勿更悲不游良可嫉到此方自知吾言雖盡述

龍隱洞觀元祐黨籍碑

維天不祚宋黨禍中清流蔡氏竊威柄窺逐各遠州嗟彼冢
中骨追論苦未休勒石端禮門因之逼遐陬我來龍隱洞蒼

壁工雕鏤大書曰黨籍正人一網收如何執國政偏與君子
離仗此一片石遂欲欺千秋溫公潞公輩芳名無其儔餘官
名未著翻借殘碑畱誰知鉤黨禍遂貽宗社憂二帝竟北狩
白骨埋荒邱

雨後游虞山出韶音洞觀立魚峰因過明月洞

迎朝苦風雨厓壑不可辨茲辰滿霽光乘興尋翠巖峩峩虞
山巔雲駁垂一線澄潭當洞門對之良可戀古柏且千尋青
山兼四面一峰最陡絕到此亦僅見形象如立魚辨色似染
茜更探明月洞履危目增眩溼雲去復來諸峰倏然變

宿湘山寺

朝爲湘山游暮投湘山宿湘山遠以幽古寺依山麓殿納千
崖青門受一川綠絕壁瞰奔川空翠浮蒼玉春山夜雨多寒

泉貫喬木粵嶺富奇峰勝絕茲山獨維唐會昌時老佛此結
屋只今妙明塔遺蛻猶在目寺中多精舍幽砌散花竹編箒
剡峰頭接竹引泉脈翻類疊石爲枕簟伴巖谷

田漪亭學使畱宿秦淮水閣

帆落龍江問使君渡連桃葉浪生紋兩年但飲江南水萬里
空攜嶺上雲旋撥舊醅香細細乍來新月白紛紛湘中巖壑
詩難寫翦燭西窗一榻分

自粵西歸過里門

滿院濃陰待我歸草堂無恙帶殘暉入門乍喜松杉大把酒
深憐故舊稀嬾慢最宜麋鹿性疎狂欲製芟荷衣園翁谿叟
論交好且莫深關白板扉

口占畱別

頻年送客來荒寺每望
雲卽黯然今日臨風歌折柳鄉心
先到射湖邊

喬崇烈

字學齋寶應人萊子康熙丙戌進士官翰
林院庶吉士善書著有學齋詩集四卷

呈于公

成龍

維

帝建極洪化成天下刑措歌由庚惟河不治螟蛟鯨山鹽江

泰高寶興

帝尤念之心怵怵歲蠲歲賑

恩莫京海口不濬民不生我公銜

命來東瀛治河使某窮心兵曰田可奪民可阬如虎負峒孰
敢櫻公培其鬚人爲驚雨議

勅下詢九卿僉曰河使議莫更乃

湘海集卷之二
召面折聲如鎖明日

帝復咨殿樞與九卿議還同聲家公珥筆殊惛惛十萬不倍
鴻毛輕會

帝顧問乃據誠四不可議文崢嶸河使語塞雙目瞠

詔下卒如公議行到今比戶炊香稅公治畿輔除強勅莊頭
什伯人猙獰小者搏擊大者烹執法不屈稱公明豺狼竄伏
周道清產蝗閉口皆南征農民千倉萬箱盈公飯脫粟蔬藿
菁

詔加少保彭殊榮

曰都曰俞一德賡賢好一一

咨公評黜陟自此民恆情南臺拜命

帝鑑衡天下共慶君子亨嘉謨入告銷未萌袞職無關廷無

爭拔茅盡得蘭與蕙一時大吏羅國楨貪墨或化爲廉貞婦
樂其織農勸耕魴魚撥刺尾不頽東南餘孽騰陰精隄防歲
決憂

聖明

帝曰欽哉汝往營

賜正一品頓地紘南天父老襁負迎可憐七載穿雙睛乃今
始得瞻三旌安瀾從此休編氓豈惟賤子依幪幘四隩旣宅
水旣平鹽梅在鼎需和羹

絕句七首

陂塘波淼淼人家放鵝鴨翩然鷺與鷗飛來忽相雜
滿船載鷓鴣矯首張兩翼得魚旋與人終日有德色
田頭有苦草子黑大如薏與蕒頗同調歲凶僭充食

牧童舛兩角歸路正斜暉不解弄橫笛卷葉時一吹
深林護茅菴野僧疎逢迎與客共飯罷起作叱牛聲
種蔬家有畦野人當肥豕一摘與再摘不知市上價
野艇長于人一篙力自優出門無數里不用有篷舟

惜別謠送文子之白下

波搖搖風刁刁蒲帆欲挂檣烏驕白田

地名

柳暗亂鶯語把酒

酌君心鬱陶春樓夜掩秦淮雨桃葉人歸隔煙浦玉簫細泛

壁月明畱照鸚鵡拍雙羽

時文子將納姬

平北詩十二章

皇帝建極九有章平民物安阜在古莫京效天法地大德曰
生久於其道天下化成

維西北鄙平沙浩浩乃有狂童分罔安阜厥臂連螳厥吻鼓

蚤往往陸梁棘我周道

繫彼蠢戚莫鷄豬如每

論再宥歸命則虛

皇帝赫怒曰此當鋤爰勅六師秣馬攻車

朱旗爛空白羽森月士合七萃糧踰萬軌飯初亞陳程三十

息烏狎蟲馴共殄禱杙

時維二月昆彙含春迎

鸞草長噴玉泉新

皇帝睿慮不測惟神剖巢薰穴智以成仁

譬以瀛波用澆殘燭譬以衝風用震枯蔞鼠竄魚奔于陸于

壑京觀斯崇凱歌斯樂

皇帝曰吁渠魁未殲毋使滋蔓逮此勾尖霜青露白弓勁戈

銛翦彼餘孽安我庶黔

虎穴既破虎子斯獲天稽其誅寇喪其魄業業者俘鱗鱗者
馘厥角若崩一隅咸格

獯狁大困有尾搖龍明年之春城築受降依依楊柳帙帙旗
幢

皇帝臨之威與德雙

聿修千羽亦除戎器賊遠聳知惕然阻悻懷孔邇仁畏割正
義窮巖仰藥既焚既棄

西北既定覆冒一天銷鋒鑄鏞億萬斯年烽埤無火亭障息
肩我春我秋爾織爾田

赫兮

武功休哉

文德璇籙無疆鳳符罔極自西自東自南自北悉主悉臣惟天之則

玉帶生歌

端州石族歷唐宋逮今四海爭琢磨玉帶生出尤矯矯大名欲竝山巍峩廬陵正氣塞天地譬經日月行江河當時與生共几席晞髮老子從切劘指南悲憤吟嘯苦霜天雨夜陪哀

哦水澤心堅名肇錫象邈蟲跡如星羅豈知生意盡陽九台

星墮地愁銅駝成仁取義節太烈勞生忠孝真無過

文山有忠孝太

勞生西臺慟絕朱鳥逝竹石擊碎雙滂沱冬青更老汝社散

淒淒塵埒行蹉跎抱遺老人老好事延之上座頻摩挲古語

萬變鑄鐵體秋聲一律盤雲阿鼓聲動地失滄海富春晦跡

依煙螺李詩黃記惜烏有玉筍張憲爲補歌張之者誰朱孟

辯釋文細字音無譌是時至正未改步顛春試墨春風和安
車晚節趣召往禮文史統親安那歸全記就九華隔人間流
落還媿嬰吁嗟生遇盡坎壈切火幾見人稱戈雖與諸公發
奇思大都感慨兼譏訶何當亟赴宋公幕滄浪亭畔委以佗
春陵大篇助保障花鳥風月仍婆娑

二月六日查夏重見訪與樓村介夫飲梅花下用東坡
雨中看牡丹韻

天明喜君至問婦有酒無走覓城東春梅萼如貫珠是中有
佳句落紙愁毛膚惜哉此筆弱憑君爲我扶

日日此獨來水影憐橫枝那計一樽酒詩老來同持疎疎未
開半灼灼行及時高吟坐溪壑浩蕩添春姿

重修二烈士祠

陳容
洪

賢者生亂世於義各有取寧以小大故翻令澳仰俯吁嗟予
源公酸棗之盟主雍邱痛莫救姦威憤所覩玉室誰則扶勁
節吾自樹陳君激意氣左右羞見數遇害遂同日流芳亦終
古吾鄉久崇祀穹堂赫章甫剝壁足煤網飄瓦幾風雨修復
賴不替王公阮亭與張父子晉旛旗風獵獵鬚眉只候候庶幾祠
下人瞻回識儀矩

西峰草堂圖

屋角山偃常山蛇門前樹長迴風鴉千尋塔拱一區宅二頃
地種五色瓜先生嗜古如嗜茹生逢堯舜追盤媯丁年出門
老年返足跡已遍天之涯詩朋酒伴多如麻漁洋山人呼同
車三蕉已醉雪堂酒七椀數具玉川茶論風辨雅嚴淫哇辨
香敬祝青蓮花把筆欲追浣花杜下亦未失爲劉义手握一

圖勤耕畝竹籬茅舍山人家山光塔影日夕嘉形神供養饒
煙霞我昔過之逢侯芭二十年別歌蒼葭今年握手歡莫加
接離倒著山月斜身世根柢如浮槎草堂已辦餘何嗟白頭
自幸太平老戶外肯問官蝦蟆

喬崇修

字介夫號念堂晚號固翁寶應人萊第三子雍正元年以學行聞于朝與漳浦蔡世遠同邑王懋

茲同

召見授銅陵縣教諭歲餘以疾歸工楷法精隸書著有陶園集

客示縱權園詩六十二首賦和荅之

姜

葦間潘堂

秀句豔春山

朱

曝亭

陸

須雲

湯

仁和

查

他山

亦

拍

關璧疊珠聯無限好砌花汀草幾時閒

濡毫欲和一篇難輸爾風迴海上瀾恰似龍門高氏本唐音

四五卷中看

高廷禮選唐詩四五兩卷皆六十二首

除夕次韻懷樓村

殘臘真同赴壑蛇小除纔駐短轅車

前一夕始回自懷州

署饒清况羅

鄉味雪冰

去聲

寒枝釀物華酒到較遲憐漸老客遊常慣邨思

家驚心二十年前夢若箇同悲子後花

癸酉除夕與樓村同客京師誦唐人雪向

寅前凍花從子後春一篇悲歌竟夕

喬

鐸

字元溪號斯齋寶應人萊孫官夔州知府工繕事有詩集一卷

灤西草堂坐月

七月十三夜蟾蜍屋角東四山皆蟋蟀一院祇梧桐不聞來
何地偏宜著此翁披衣清露下獨坐愛秋空

嘉州

山月寒無翳江流夜有聲泊船漁火出隔岸寺鐘鳴不少新
知在其如舊感生緬懷岑刺史有夢亦應清

五月二十五日初食荔枝

絳衣仙子傳君謨江鯨玉柱聞東坡古來詩人爭爲口老饕
不惜成詩歌笑我四十生江左夢裏流涎三百顆輕紅手擘
齒牙香芳樹炎雲駢實火蜀產知名嘉與涪五月江上堪停
舟香山賦詠更不少前路欲近忠州樓元紅一品纍纍熟小
摘筠籃生計足何須定作嶺南人愛此人家好風俗百年老
樹真可誇楊梅之葉盧橘花人間果食此爲最麤材棗栗儉
梨楂美味嘗新不輕得使我詩情滿胃臆紅紗卷袖玉肌肥
按譜從參好香色

喬

億

字慕韓號劍溪又號實直老人崇修季子太學生少以詩名江淮間與沈歸愚沈敬亭方宜田交善

客游山西爲猗氏書院山長著有獨秀齋詩窺園吟
橐三晉遊草夕秀軒詩鈔惜餘存橐劍溪文略劍溪詠
詩二編杜詩義法詩踪記占詩約選
王孟章柳詩評藝林雜錄若干種

過泰山巨上人蘭若得陰字

涼颺肅晴野清磬隔前林古寺行人少寒山落葉深孤筇隨
竹影一逕入蘿陰漸覺禪居近空香引道心

嘉禾道中

扁舟入於越回首望勾吳草樹斐休宅風煙范蠡湖漁歌爭
晚渡桑婦有蠶租舊事滄波逝何人識霸圖

寄查三宜門

薊門分手悵何如各指雲山引席車千里相思難命駕七年
離別少來書忽聞邗上停孤棹可得湖干訪敝廬先世交游
文藻在畫川林木已蕭疎

畫川卽縱棹園先大父侍讀公別業初白查浦諸先生吟賞地也

贈方五丈扶南

一生不負太平春四海飄飄任此身宿草遍生聞笛處瓣香
終在曝書人詩篇驥子多能誦夢寐鴿原老更眞見說艱難

孟門道不曾覆轍也傷神

木瀆章重宅曉起從沈尚書放舟至光福鎮

春鶯拂曙啼春棹落波齊日照萬花谷人行香水溪風光沿岸轉嵐影壓船低泊處非投止聯裾更向西

題貞女胡氏韞玉手錄尚書并蔡注後

尚書言治道曩出女子口又經女子獻今藉女子手解一女手

錄尚書嗣子讀全未今文古文中一掬貞姑淚解二萬七千

字唐國子學石經尚書二萬七千一百三十四字夾注備錄之彤管不辨此用遺霜

閨悲解三悲亦不可弭字亦不可滅藏弄得其人於焉昭峻節

解四

喬大鈞字秉之號荔江寶應人增生著有聽雨草堂集

寄山甫大梁道中

蕭瑟秋云暮懷人獨放歌涼風吹白草落日渡黃河山勢望
中盡河聲空外多平生壯遊與此際問如何

冬夜有懷湯鍾律昆陵

北風吹雁過一夜起哀音之子渺何處相思空此心寒雲低
不散落木迴無陰可有還鄉夢門闕望正深

喬仙伊

字一山寶應人著有洛浦僅存彙一卷

送劉子芟之河西務

同是天涯客何堪手更分石橋人已去流水夜還聞羸馬嘶
燕月征鴻隔楚雲欲歸歸未得一倍惜離羣

喬方立

字守之號楓亭寶應人諸生著有花雨香齋集

送別湯鍾律

在家勸君出臨別還沾巾沾巾夫如何念子行依人寒風厲

窮陰白日暗清晨揮手卽天涯何必越與秦我欲從子遊堂
上有老親執手重徬徨氣結不得申那無片言贈恐君生悲
辛努力慎自愛母爲歎沈淪

中秋前一日梁谿舟次

寂寂孤篷裏蕭蕭古渡頭亂山黃葉寺微雨白蘋洲忽聽吳
娘曲遙憐水閣秋飄零思故國無計却離憂

袁江旅舍懷金春田吳江

花落滿魚缸風流憶海邦暮雲迷楚岫春水下吳江歲月驚
蓬梗山川阻客艤猶思石城夜聽雨話蘭窗

郭元鈺

字于宮號雙柳

江都諸生

康熙己卯

旨取入纂修館預修

佩文韻府又

南巡

又

奏請編輯全金詩授中書科中書學博思深詩筆奇驗

高邱宋牧仲舉稱爲異才著湖適軒集四卷一鶴菴集

五卷牛鳴雙

邨集若干卷

方貨邨香譜閣試碧海晴霞酒

我有閒心似春雨君開妙醞名晴霞二者相逢忽有得
一吸千觥花霽雲霏微瑞露濕沆瀣欲走誰能掣始悔從前
角此腹鎮教病母淳泐窠鐵心老仙玉龍吼虹影珠涎笑霜
首瑤林春色太清空亦告醑藤遭磨白珍珠能紅翠濤綠如
此塵名何足錄游鯉山下老園丁把杯吸盡君山青厥有佳
號能倣此當時獨醉歸烏涇吾儕同作太平客且與爛醉忘
蓬萍王原吉酒名蓉城霞此酒平生人不識我昔見之爲君憶藥官仙
兔忽西匿天妒瀛瀾炫奇色素娥爲攀若木枝蘸海洗出紅
玻璃綃衣和薄懷不得憑誰偷拾來金卮海仙覓醉恐誅索
到君卽盡君勿辭赤城崔巍屨市雜一遺華蓋銷磨之人間
小戶螺蠶耳右手猥瑣誰能持

牛鳴東邨三首

豆架瓜籬白竹門
桔槔聲歇打場喧
老農八十閒無事
擇虱殘陽倚廢垣

曉寒如箭宿雲屯
白樹溪橋紅葉邨
人事不來書卷合
一樓寒雨看秋原

年年塵跡滯天涯
柳線成邨稻沒車
爲把閒廳傲閒客
秋來賺種滿園花

九日

閒居愛重九孤抱喜風陰
小步野花亂讀書秋院
深晚天寒有意霜木瘦
無心交際平生失樽前
思不任

早春幽居

嬾從輪鞅熱終日閉扉
細雨濕春意幽花寒袂
衣閒書懷

抱冷逢客晤言稀小庾自縈思扁舟春水肥

王式丹

字方若號樓村寶應人凝鼎之子康熙壬午舉人癸未會元狀元官翰林修撰分修皇輿表甲申修

佩文韻府孫致瀾爲纂修官式丹爲副又分修一統志凡大撰作同館皆推之辛卯冬告歸僑居郡城與鄉士大夫論文爲樂士多從之遊著樓村詩集二十五卷殿撰子抑夫孝廉雍正初宰烏程時刻之海寧查初白推其詩以爲俯首下心所凡事者

雨中憶縱棹園呈喬侍讀表叔

只有無慘抵暮春闌風長雨泥芳辰不教林壑頻經眼枉是鶯花解趁人草發舊岡青羃羃水穿新汊碧粼粼仙源一棹何時撥待放晴光漾麴塵

養痾閒掩子雲亭硯墨流凹晝注經紫燕定依簾閣見黃鸝
還傍舫齋聽劇憐茆舍通城角未怕籃輿過水汀尚有桃花
將柳色殢人沈醉待人醒

送湯逸林入都卽致湯西厓編修劉後齋都諫

今年早熱月在午千里出門不知苦聞君欲別飲君酒酒酣

問君向何許往者汗漫遊長安一峰草堂北道主

謂侍讀白

門太史深相知旅舍乃能致脩脯

逸林前館於胡璞崖先生

名人疇士紛

京華出入馬蹄覓儔伍百尺梧桐閣正開萬丈長虹氣能吐

時蛟門先生

微名得失何足論相知所貴寫肝腑人生合散

風中煙迸淚晨星詎堪數歸來至竟不稱意卜晝蕭條守環

堵

逸林所居名卜晝堂

叢卉春垂三徑雲老松秋亞一枝雨收身聊樂

茗香清顧影却慙鹿豕聚乍提襪被辭斐孳復走長安作羈

旅十年往事難重陳欲埽何門行踽踽故人惟有湯與劉青

瑣紅蘭鸞鳳侶南州榻下好淹留公孫閣裏方延佇計君到

時夏正深雪藕銀桃勝甘乳易酒一斛浣頭塵提攜如意闌

筵舞余方墨守餘幽憂寂寂徒令笑鄧禹爲政兩公相問訊
離緒萬端憑告語

和友人南歸舟中詩

行李蕭蕭視剌繖客途冉冉送牢愁此時夢斷元都樹特地
魂銷黃葉秋雲度明河方絡角山銜新月半畱鉤荒城漏徹
知何處兩岸酸風兩槳舟

送顧書宣太史假歸兼訊史蕉飲太史卽用其集中倡

和詩韻

落落名士空山僧俯睨濁輩紛蚊蠅而此眼如鍼孔者見不
類己心所憎今之名士其有幾我識君面前年曾鄧林陸海
鉅材藪卓犖大斲操鉤繩蕪城千年罨煙月寂莫誰與同聲
應天下健者稱史子霜霄颯躡盤蒼鷹大橋市上歌相屬雙

峰屹立爭峻嶒卯辰之歲有先達飛鏹籜影高雲乘別館華
蟲好文采醉眼問天方瞢瞢去年秋風一戰霸今年早蹋龍
頭登射策天門闕

天語

玉皇仙吏良足矜回頭碌碌視餘子一時洗眼羣嗟稱詎知
敏中耐官職舊時意氣無添增繫余控地類鷓鷯翹首不逮
摩天鵬憂如澣衣坐空館差池短翼慚奮騰把君雄雉詩過
目詞華哲匠非余能黃門寓齋文字飲相逢一笑傾千升君
今暫歸鳳離閣我方久客魚粘罾篝火只可恣夜睡闔扉已
復忘晨興天邊忽傳佛屋句蕉飲瘧後有佛屋詩十
二絕句自號前休居士舌撝語
硬清冰稜從頭細讀一旦再暗風窗罅搖殘燈豈其示疾果
大悟平生詆宕今知懲淮南薊北二千里搢頤極睇雲層層

朝來送別兼憶舊微雪乍霽寒空澄騾網結束候早發日掛
鞭影纔東昇我病畏寒闕祖道擁被作歌頭鬚髻居士未來
君正去長安索莫誰文朋到家倡酬勒新咏却寄不用煩鈔
謔

鐵脚道人詩

雪沒山尖插雙脚一掬寒香沁齟齬閒披沆瀣索元珠獨倚
煙嵐招白鶴祝融之峰何崔巍盪胸雲海紅輪開道人一笑
凌雲去惟有霜風吹老梅

燕游諸子讌集詩

歲月如奔虵鴻泥幻爪指面目故依然相逢笑相視二載滯
京華爲懽賴諸子駕部愛畱賓咄嗟每立庀下馬傾玉缸午
酣夜未已都忘羈客愁但聽足音喜天風吹烏羣次第集沼

汴隔歲俱言歸先後差可擬水毀忽告災沈憂積屯否翻思
長安樂踟躕詎似此嚴冬二之日草白冰壓水高林無殘葉
蜜脾綻寒藥招邀開良宴公榮騰一紙番更互主客起某至
某止高陽舊居徒迭邊雪霜裏恍疑宜武門小閣滿屣履肴
陳鄉味新酒勝易凍美觥籌乍翻槃酣踟旋沸耳回頭念紛
綸世事勿挂齒且入無功鄉更味謫仙旨大塊皆逆旅不飲
嗤吝鄙倘免走踈踈長共懼爾爾

惜別謠

雨霏霏風微微感春客子攜春歸
蕩紅飛盡結楊柳杜鵑嗁
瘦腰幾圍蘭橈划動清歌起
楚尾吳頭一千里誰其遺之金
錯刀手把瓊英照江水

燕壘謠

前溪啄晴沙晴沙裏落花別院掠微風微風接飛蟲呢喃只
傍觚稜東側翅珠簾第幾重襪襪野鳥湖之渙朝鳴暮宿菽
蘆裏不須苦羨雕梁壘自引雙雛拍春水

呈少司農睢州公

文憲聲華濯錦明衣香天際紫雲橫柏臺舊擅張昇譽稼部
新題李絳名鐵柱彈文傳譽謬宣房礎石待成平

公有奏彈
河臣疏又

有請修高
堰石工疏

九重倚畀方南顧定有龍綃被上卿

題新城王公放鵬圖

山堂宜高秋疎風聽林樾窅窅不逢人但見寥天月達人飽
世味其中自冰雪黃葉滿故山眷言成久別萬族各有懷低
徊在羈繼開籠任飛飛投林影飄忽

奉

詔增修皇輿表院中郎事次韻顧書宜前輩

瀛洲亭畔靜階除
匝匝槐枝亞碧虛
池面輕風迎散帙
檐牙初日照繙書
共知定本推前輩
未敢傳鈔付小胥
東觀從容參典校
駒駘載筆媿庸疎

栖塵簾閣喜新除
祕冊駢羅几席虛
周室職方傳舊志
漢家年表發橫書
要從鞶褱增圖籍
豈爲華離問史胥
理罷縹緲方永晝
垂鞭歸拂晚風疎

久病初起構次兒懋訥早赴

武英殿纂書

殿閣榮光照碧虛
喜叨職業日繙書
朝昏徧歷三門地
父子同乘一馬車

御苑暖風花氣合，瓌窗晴旭鳥聲初。自憐帶孔頻移後，橐筆從容近玉除。

李蒼存惠涼鞵索詩

繆絢編草製新奇，蹋月乘風稱此時。珠履羞爲黃歇客，麻鞋記得杜陵詩。坐中請度我何敢，足下生雲君共之。辦取筇枝兼箬笠，相攜深谷採華芝。

慈仁寺之東舊有揚州會館，余于五月二十二日移居其中。劉大山同年爲賦詩三章，依韻奉酬。

忍冬花發老藤纏，香簇新居卜日遷。剛得一巢逢燕語，移居時值燕來營巢豈能百足荷。夔憐舊時家具，移茲地向後。

皇恩駐幾年，多愧草堂煩。錄事杜陵那有賣，書錢同年張珠嚴貽草堂資。

大地鄰虛總一塵冷官隨處可容身栽花種樹閒中事愛酒

憐詩我輩人桑下豈惟三宿戀庭前有一株槐陰也作兩家春鄰

古槐却思舊雨東西路千萬還應更買鄰

且衰榻上幾編書休認溪邊自結廬用曹唐語拙比林鳩聊可住

遠隨風鷁欲馮如高軒韓愈能停屐小圃周容待翦蔬一任

門前鬪車馬檐花對酒莫踟躕

王懋竑字子中賈應人康熙戊子舉人戊戌進士在京師

期滿當授縣令以養母求教職遂授安慶府教授雍正

元年著調來京懋竑殊筆寫出蔡世遠王懋竑喬崇修此三人

敬謙盡職尋丁母憂奉

哀毀盡禮葬畢入京舟車之間如居苦由養病京邸不

見一客半載得病告歸家居十六年卒年七十四

懋竑與同邑朱正齋共講朱程性理之學而懋竑尤能

精考經史辯明朱子易本義首九圖爲後人所驕謂尚

書古文僞出蔡氏所註本未必盡得朱子意又考朱子

詩傳內所用音今多遺脫輯所辯證之文爲白田雜

著八卷又著朱子年譜四卷考異四卷附錄二卷皆收
入四庫書目又著白田草堂存稿二十四卷續集別
集朱子文集注朱子語錄注讀經記
疑讀史記疑偶閱雜鈔共若干卷

校禮記注

聖王遺跡付飛煙收拾流傳幾歷年后戴別分曲臺傳皇熊
初爲鄭公箋欲將宋槧填遺字更擬唐碑校昔賢却怪後人
輕正義衛陳俗說競紛然

王懋謙

字鶴聞寶應人式丹長子康熙
辛卯舉人著有岸秋亭詩一卷

雙樹曲

黃銀燈閃春容媚彊陣愁逢纖指膩雙暈芙蓉酒上時金牌
暗繫冬哥臂狼藉長安玉局春辛夷別館生紅塵背花耳語
未輸意重擘蠻牋青鳥嘆

月夜飲縱棹園

十頃波光儂著醉秋宵如在鑑中行山腰轉處遠人語港口
樺來聞草聲雲卷天容雙眼迴水含夜影一船清中流孤嘯
氣豪上希逸當年無此情

斗室次韻

生小瓜廬可半弓書郎好倚過深冬孤斟偶遣閒愁淺僵臥
還驚舊夢重但有月來清興滿更無人到暗香封就中事
耽幽意只是詩豪未暇慵

過漁山堂

古木陰森點點鴉下亭一道暮煙斜水邊記著詩人影小立
涼天看藕花

王懋訥

字抑夫一字懿誦江南寶應人修撰次子康熙己

卯舉人充武英殿纂修雍正初官烏程縣知縣
修撰壬午登賢書癸未中會狀登科後於抑夫數年
夫官烏程五年多惠政嘗繪牧牛圖邑紳沈編修樹木

題之云郊原雨後草齊青開領春光過別汀知以牧民
心牧績不須重覓相牛經以後詩數首從烏程人陳調
導焯處
錄得

雷題歸雲菴二首次呂石窗和木老人韻

鶴去瓢空挂堂高頽顏寄懷招隱士放眼看青山竹樹濃
陰合風波淨土閒已公能愛客石磴幾躋攀
伏虎畱遺跡皈心禮佛巖未堪登彼岸早已落輕帆月露侵
簾幌松風冷葛衫白雲歸不散好與一囊緘

次韻和陳愷齊二首

何處堪逃暑歸雲澗谷中樹圍山下屋竹弄雨前風俊逸皆
同紀疎狂莫笑融卽今幽興足不借漢家宮

余在都中先與
令弟藻亭相識

今與愷齊同
三同來避暑

何處堪逃暑清陰綠墅中一池瓜蔓水四面稻花風路隔塵

寰遠心從火宅空
晚涼看月上樹影落東峯

次韻答吳五亭孝廉

斯洛

爲愛名山景物幽
待消煩暑躋淹留
泉奔曲澗纔過雨
濤起高松已送秋
王翰卜鄰寧寂寞
武陵下筆最風流
峰前峰後無多路
乘興還能策杖不

君今才調孰爭長
路暗投入詫夜光
市上彈箏原迭邊
燈前擁髻亦淒涼
投閒自愛吾廬好
觸熱應憐去日忙
一枕羲皇明月上
五湖煙水正茫茫

以上並墨迹
畱歸雲菴中

遊二峯仍用前起句

何處堪逃暑
相攜上二峯
院深無日到
門靜有苔封
酌水風生腋
登巖雲盪胸
心清聞了義
歸及上方鐘

二峯有華光泉
淪茗極佳伏虎

巖在其側老僧案頭有金剛
經解余全閱一過故並及之

歸雲

曾聞嶺上白雲多，幻作奇峰意若何。
畱與山中伴孤鶴，羽衣霧葉兩婆娑。

萬壑千巖盡面開，從龍昨夜自天回。
人間自是多霖雨，何事閒雲出岫來。

王希伊

字耕伯，號在川，寶應人。懋茲孫，乾隆辛酉舉人。官陝西白水縣知縣，實心愛民，不利於民者不恤觸上官怒，以與之爭。朱笥河學士致書云：「今日能以朱程之學著卓魯之績者，非君而誰？」以病改松江府青浦縣教諭。時書制府麟巡撫安徵制府効時嘗從耕伯遊過青浦來謁耕伯書四語贈之云：「上報君思，下守庭訓。」採擊壤歌扶太平運未幾病歸卒。年七十六。著有青白堂存稿十二卷，彭術存稿十卷，由拳存稿四卷，詩集十卷。

愛讀碑文

二百青銅燕市得，三千里外署中隨。
於今勒石昭天壤，拍手

來看愛讀碑

丙申得楊叔山先生字愛讀秦碑兼漢篆好詩奇字到雲亭楊繼盛書攜來白水皮成春刻石

劫尚草葉在祠堂會與容城令一商若得鉤墓金石永風吹

何止滿城香

前會試場中晤容城令之弟云公疏葉存祠堂新令到在必呈閱余曰幸語令兄陞任後當屬

止其事欲看到祠堂請觀可也茲以愛讀碑並顏魯公草葉碑寄容城令請以草葉勒石公朝審詩云風吹柳鎖滿城香

臨刑詩云浩氣還太虛丹心照萬古

繆陞甲

字墨書號補山秦州人子沅貴贈刑部侍郎

景州道中知山妻復病寄沅兒

亦念吾身苦翻憐爾母危一年多病日雙淚教兒時躑躅趨

長路殷勤寄遠詩到來天際雁時得沅兒信慰得客中思

廣陵雜詩

春波明映酒盈卮猶憶簫聲踏月時不道紅樓秋欲老更無

人唱竹枝詞

止

淮海英靈集

鄉人阮元輯錄

唐綏祖

字因事江都人雍正元年由舉人知河南封邱縣

濟東泰武道轉鹽運使遷按察使十一年三月授太常

寺少卿奏裁儀牲所滿所副一增漢所副一從之乾隆

元得疏言學政選拔生員務選廉生文行兼優者充貢

不得委任教官以開奔競部議從之三年授廣西按察

使署布政使奏官員赴任繳憑請封入巡撫本箱交提

塘官授部議允通行七年實授九年對簿事皆因公竝有先

祖擅動庫項疏任交總督策楞對簿山東按察使調浙

行奏明之案弛巡撫常安誣奏綏祖窮櫓民隱體郵至

江布政使甚便之巡撫常安誣奏綏祖窮櫓民隱體郵至

周浙人甚便之巡撫常安誣奏綏祖窮櫓民隱體郵至

解任交高斌察擬斌以常安所奏全虛請開復起山東

布政使遷江巡撫奏湖廣總督事先後為督臣永興

洩十四年調撫湖北署湖廣總督事先後為督臣永興

布政使嚴瑞龍糾參部議革職恩旨錄用授山西

按察使晉布政使於官

東張平川中丞

疑香燕寢當年事扶杖閒堂此日身古井心源波不起洪河

飲戶興還新鼓牀簫局貧來廢畫篋牙籤老去親燕子自飛

驚自語春風作意太愁人

唐紹祖字次衣號改堂江都人康熙己丑進士授編修

蔣士銓改堂先生行畧云先生姓某諱某父詩歲貢生

朗成誦九歲縣試有神童之稱旋受知學使萊陽趙

公吉水李公入都門相國納蘭伊稱公延課以其子授經之

暇傷及書射伊委曰此真文武全才勿徒以江南北士

帝諭旨令南書房行走會取翰林院庶吉士雍正元年

散館補編修聯捷成進士授翰林院庶吉士雍正元年

借補刑曹郎推勘年汪兩案悉當吏治慎重刑獄先生

年以才能出守湖州汪兩案悉當吏治慎重刑獄先生

洋溢停徵一事九切民瘼姚世鈺太守諸部員內多善政

臣一先生徵其詩引述頗詳乾隆元年以律部員內多善政

官再入西曹旋補禮部以年老乞休先生之爲政也存

心愛物不尚操切官中養廉外毫無羨財生爲政也存

贍貧士所培植者多成英俊武學廢弛先生躬自誘射

掇高科者指不勝屈去任日童叟攀餞越十三年先生

卒湖之士民相率來揚哭奠者數十人湖自六朝唐宋
領郡者代有其人向有四賢祠以祀顏杜蘇王湖人以
先生配列呼為五賢祠先生性孝悌幼從父受書兄弟
六人互相師友雍正初元同弟繼祖官禁近瀛臺館課
齊列高等人多景慕古文得於姜西溟稱爲入室弟子
嘗受業同里汪舟次汪臨終尉誌墓石時先生旅食京
華而先輩國士之目不以名位有無爲輕重也古今體
詩卓然中唐大家年八十一名終於家子三人翰桂太
學生俱長於古文思其季也作令滇南工詩孫五人克
岐華國猶未脫諸生籍應鐘映星蔭雄皆業儒曾孫煥
幼尚

爲徐壇長題葦閒先生卷後

作書雖小技往往如其人正眞及斜曲意態時逼眞先生鸞

鶴姿秀眉而長身餘事劇工書指臂如有神甘受俗目嗤吾

非米董倫世人皆米董吾意獨鍾王先生句也古鼎色斑駁老蛟皮鱗皺逸氣

自閒放詣力彌深醇執筆在心空此妙何由臻先生語紹祖運筆之妙全

在心徐君出遺跡肅如對冠巾盟手爲摩挲俯仰來悲辛想

當落紙時舉體無纖塵浮名撻世網垂老成邈迤與子共恩
私那禁清淚頻至寶誠所就此卷無重陳

唐繼祖

字序皇江都人紹祖弟康熙辛丑進士翰林院庶吉士

書李節母孫孺人狀後

浮江一馬笑當年匝月圍城墮紙鳶宗社豈關巾幗事貞魂
何意姓名傳裏將恨血藏遺牒攜得佳兒入九泉老淚闌干
多苦語莫教空擬悼亡篇

歌吹風光競晚春太平無復見遺民誰將斷脰捐軀烈話向
膏脣耀首人

聖代不妨修棹楔清門久已賁絲綸長箋更剪溪藤續好遣
翰軒次第陳

唐

翰

字池染江都人改堂長子諸生究心音韻之學博習佛老堪輿雜家之言遊四方以方正廉潔著名

年六十卒著有四書音辨數卷弟
桂思輯其詩爲願學編詩存一卷

冬夜書懷

永夜常跌坐虛齋絕點塵老徵衣絮冷寒覺火爐親彈鋏歌
如舊登樓賦轉新漫云和璧貴鼠璞自稱珍

方

覲字近雯江都人康熙乙酉應南巡召講已

興起士習雍正二年授御史進戶科給事中巡視船廠

條陳事宜十一事皆報可嗣差管通州糧廳

擢浙江按察使署布政使兼蕪兩浙鹽政總督彭城李

敏達公薦可大用遷任西安布政使道病以疾聞

百兩治喪仍賜祭葬著有石川詩鈔四卷

召伯埭上作

前年埭上望湖水白連天今年埭上望麥浪青無邊欲尋舊
日買魚處田家便是打魚戶記得門前白板船藕花香裏人
來去

江上曉望

山雨落紅葉水風吹白蘋滄波不可極秋氣浩無垠空碧一行雁釣船三兩人勞勞何事者卻擬問通津

聞揚州新濬城濠寄故園兄弟

聞說城濠水今通揚子津湖平栽藥圃花罨釣魚綸畫舫春波濶紅橋夜月新簫聲隔楊柳誰與醉芳醇

今年春僦居椿樹衢栽竹三竿翦然鬱茂京師地燥竹最難活大寒時尤易枯凍擬至冬作草屋覆之迄秋而余適遷去恐後來者不知愛惜因題詩三首于屋壁慈仁寺裏碧檀欒三百青錢買一竿幾費辛勤纔種得雨防淹損日防乾

曉窗微漾綠頗黎翠葉鈿枝與屋齊待得垂珠生練實可能

留著鳳凰樓

冬來覆屋須遮雪春到開窗要露風
轉向內圍傳此法平安
須報鷓鴣翁

送孔明府赴西軍

廟堂抒密畫絕幕掃妖氛都護尊
專闡嫖姚勇冠羣前驅張
校尉深入李將軍壯騎龍驤奮精
兵鳥翼分河冰明鐵鎧積
雪耀朱幘論谷量牛馬排星起
爨鑿種羊迷塞草積粟上關
雲此舉非窮武由來實救焚何
因擒虎豹終欲掘夔夔錯節
憐虞令長才借寇君待期官
踰蹬假縣事紛紜輓運今方急
捐輸歲屢聞常時親畜牧餘力
課耕耘坐待干戈息還期戶
口殷頌周期過莒歌漢想潢汾
勉報龔黃績毋貪衛霍勳

蜀道雜題

滄海集卷之六
大散關前下馬行人相顧色皆驚心知蜀道如天險纔試
崎嶇第一程

好峯無數不知名過水穿林屈曲行樹木漸多人漸少兩山
相喚畫眉聲

五尺篋輿作臥遊行人安穩勝扁舟玻璃窗淨如江水好看
圖經到益州

曉色瞳矓鴉亂鳴嘉陵江口放船行山容照水如新沐盡挽
烟鬟出霧明

酒旗風漾水邊樓樓外花飛逐水流試問飛花隨漢水東流
何日到揚州

由渝江還省聞家兄已下峽

老至畏長夜況兼風雨聲酒醒巴子國秋盡錦官城旅雁泊

何處浮雲任此生，叨榮知過分，不敢問歸程。

蔣繼軾

字蜀瞻，號西圃。江都人。居邵伯鎮。康熙戊子舉人。癸巳進士。官翰林院編修。丁酉分校北闈，得士最

盛。以憂歸。方正重于鄉里。喜汲引後學。所著有韻絲堂集。

秋懷八首集杜少陵秋興詩字

城上孤吟峯萬千，一聲紅豆白頭憐。相思碧水青山處，愁對金風玉露天。江漢烟波槎可問，蓬萊書信鳥曾傳。小樓明月沈沈夜，臥聽官梧落枕邊。

水氣雲陰靜晚秋，高城吟望卽滄洲。蘆花白處皆魚宅，楓葉紅邊有畫樓。波上不驚烟鳥宿，月中相對露蓮愁。請看漂落江湖老，小向人閒一繫舟。

鳳城烟樹碧森森，斜日高樓動晚吟。千里關山黃菊淚，幾聲猿鳥白雲心。靜看春浪還秋水，愁聽朝笳更暮砧。回望翠微

新月上飛飛繡羽入華林

問水看山日幾回紅雲紫氣識蓬萊清霄露湧金莖直

御苑風高翠羽開車馬遲迴心自省功名冷落老相催荻花

秋月魚鱗晚日望江南尺素來

日落西山水滿陂千家刀尺起秋悲虛傳織女機還在聞道

鯨魚石更移高望孤城傷古堞低垂老淚聽新絲塞雲邊月

愁歌處寂寞寒花三兩枝

原個多述
素中事

石城西上暮雲斜千里南州對月華湖水夜明飛翠羽江樓

風靜落紅牙瑤枝玉樹佳人曲畫閣珠簾帝子家回首他年

歌舞寂漂蕭荻宿魚槎

去秋客金陵
豫章因及之

珠樹瑤林秋氣高三峯雲闕望蕭蕭綠衣奉母虛長日白首

隨班事

聖朝池上素鷗思，故侶烟中黃鶴入。
青霄簾前燕子春，吟在坐看寒楓冷菊凋。

舟車南北似漂蓬，金馬棲遲一老翁。
筆有江花凋晚歲，扇餘班淚對秋風。
鳳凰抗羽青雲上，鸚鵡傷心翠閣中。
巫峽巫山千古在，低回吟望幾人同。

早夏憶維揚風物寄同會諸酒人四首

菱芽出水荻苗齊，蟹社湖連邵伯堤。
正是揚州春盡日，流鶯啼過竹林西。

落花風細柳吹綿，夢裏紅橋載酒船。
鴨綠半篙新雨後，鈎簾人詠點溪錢。

有名芍藥趁花移，翠筍朱櫻上市時。
春酒中人思解渴，綠陰深院試槍旗。

揚子橋邊新漲生
焦公山下早潮平
江風正暖鱗魚上
最好移船就網烹

朱

景字亦山號鹿坪江都人官湖廣安陸府同知工書著有鹿坪笥草

遊晉祠同夏濟民作

細細泉聲鳴屐下
涼雲一徑晴冰瀉
我來訪古覓桐封
道傍古木空祠舍
何年帝母居闕宮
珠璫翠羽含清容
頑寒老柏下
塔立蛟盤鵠峙紛
孳空娟娟新月澹
將夕半和殘雪封
苔跡未隨埋沒廢
亭西淋漓大筆文
皇石平生好古搜
祕奇脫文椎紙燒
松枝世間飛白在
者少見此額與昇
仙碑忽逢僧語
顰禪榻徐行引我
登經閣洞中花樹
冬不凋碧袞袞映
紅芭蕉與君竝坐
品泉味來朝馬上
風蕭蕭

次孫家灣

飄泊竟何似春風班馬鳴荒邨愁落日獨客畏長征土屋懸
崖險山田過水平誰憐鄉路隔去去向邊城

官夢仁

字宗袞號定山泰州人偉鏐子十歲能屬文康熙

已酉舉人庚戌會試第一官編修改御史疏數十
上皆切中利弊因黃淮泛溢急請疏海口且繪圖入
告出爲河官督糧參議補湖北驛鹽參議晉山東提學
副使累遷右副都御史巡撫福建有政聲歸田後修先
世春雨草堂讀書自娛著讀書紀數畧二十卷文苑英
華選若干卷續南宮舊德錄若干卷

七夕文讌

天際涼風來雲衣澹秋碧迢迢望河漢仙期度靈匹鳥啼欲
驚林螢點忽飄帙薄帷鑿織月玉卍未盈魄緬懷緱山駕仰
睇瑤島跡鴛梭織已停初陳綺羅席西園富才彥出入金馬
籍相將凌黃鵠乘時貴羽翼上溯勳與華下企臯與稷邂逅
契魚水兩美豈終隔高爨曠何許良讌娛此夕秉燭念攜手

庶幾長憫惜

東征凱旋詩

變伐

皇猷大於昭

聖武隆妖氛清塞北露布入關中鞭掃烟波靜戈橫鴈磧空
七旬來格命六月奏膚功龍種新專闔鷹揚副總戎東方勞
袞繡南仲賦車攻扶漢天潢最平淮宰相同上京歸汗馬諸
將盡飛熊匪藉

神威赫誰收敵愾功受降城再築獻馘禮宜崇鸞鳳銜書紫
櫻桃薦

寢紅勞師

臨細柳警蹕出新豐饒吹喧朱鷺旌旗落彩虹鼙鳴千騎蕭

鶴列五兵雄苑裏花迎劔天邊月抱弓凱歌軍氣壯

溫語

帝顏融錦邑開周宴汾河繼漢風柱標青海岍銘勒黑山璵
玉牒加封號雲臺敕畫功會將干羽舞底貢萬邦通

清江送張友鴻溟中司理寄訊藩臬諸同人

簫歌中流雜棹歌仙郎擁傳下牂牁百年詞賦題金馬萬里
風烟阻石螺蠻俗古來多健訟

主恩天外待鳴珂昆明戰伐今何似寄語加餐老伏波

宮懋讓

字蕃英號杜洲秦州人官山東諸城縣知縣升德
州知州嘗錄鐵束琅邪臺秦石刻至今巋然著有

嘯月齋詩
草一卷

渡沂水

白日落沂水欲去聊盤桓秋風散蒸暑凜凜生新寒手中竹

馬鞭是昔青漁竿臨流不垂釣佇立興長歎

九日岳阜登高過雲谿精舍

志士感蕭晨騷人愛素節杖策事幽尋溪迴路多折捫蘿展
遐眺佳興登高發山空鴈影沈木落秋容潔下臨古蘭若花
石轉幽絕上人足名理相對忘言說一悟清淨因永息馳驅
轍羊牛下前山黯黯溪頭別回首晚林鐘疏烟淡微月

大通阻風

天意阻歸程狂飈挾雨聲浪花噴樹濕雲葉羃山平鄉遠書
難到寒多夢不成誰知羈旅恨日日逐潮生

宮懋德

字嵩嵐
泰州人

雜詩

清秋好風日虛牕無雜塵瀟洒開奇懷長吟暢閑身時復弄

琴書轉手幽獨親既適目前興喜與先哲鄰天地真悠然假
我以良辰忘言意自得庶幾無悶人

宮懋教

字念劬
秦州人

· 春感

竟把閒雲視此身半生無夢逐京塵病當謝後客常少書到
多時家已貧衰鬢似星難諱老愁心如草不逢春欲將踪跡
同支遁豈隔恒河未有因

宮翼宸

字參兩秦州人夢仁孫官光祿寺典簿著紀年詩一卷紅椒山房集八卷

先大人春雨草堂遺集編次初就感賦

先君昔未遇苦心嗜文墨清時抱利器辛勤謁京國十上九
不第風霜閱南北冬烘說頭腦鬚髮喜猶黑俯仰天地中知
音信難得把筆托於詩用以舒鬱塞春朝花滿箋秋夜月盈

幅身名待闔棺此志常悽惻俄焉臥漳濱羸疾四來逼參苓
既無功虛扁不得力野曠何墳如頓成君子息宸方垂髻日
銜恩知罔極家餘萬卷書一字不堪食稍長遊長安操繩大
匠側折節學爲文父吟仰前式輪蹄秦贅閒歲月去頃刻終
軍棄繻年還鄉理耕植檢點舊縑緗裝潢倍整飭塵蒙一束
詩青紅已剝色嗟嗟父遺編有子曾不識欲開既悽愴欲卷
轉悲懣重之等隋珠封緘篋中匿今者幸閒暇編集心亟亟
中分五六卷甲乙堪記憶鈔愁蜀紙薄裹畏吳綾仄插架嫌
蟲穿束閣防蠹蝕常歎庾子山詞賦鉛華飾五存而五亡巧
智不能測思將付棗梨庶不委荆棘

宿遷懷古

官柳連雲水浸坡蕭條舊跡重經過烟生遠戍迷殘壘日落

寒城隱大河騎擁暮雲看射鴈鈴驅秋草聽鳴駝古來白馬
烏騅恨兩兩銷沈奈若何

寄懷團雲蔚

浪蕖浮花競鬪春客中更憶素心人一從夜雨吟寒燭兩度
秋風熟野萼羈恨空連楓子鬼旅及莫問竹王神崎嶇瘴癘
天南路可了青鞋布襪因

同莊松峯吳弁長夜坐話昔遊

幸因趨事瑣闌中翦燭西窗得暫同越國風烟懷雁蕩蜀中
花鳥說蠶叢春來舊友晨星散老去前塵俗夢空安得年年
塗蠟屐鼓山常看海濤紅

泊韓莊閘同柄和用竇叔向裴氏莊話舊韻

猿鶴蕭條鎖舊庭滄浪噩夢幾番醒巴山夜雨船中話潞浦

秋聲枕上聽往事隨波銷寂寞新寒得酒慰飄零三年重向
韓莊泊惟有湖光似舊青

宮

字柄和泰州人康熙乙未進士官中書舍人

春雨草堂感舊

寥落雲山一塢深先人卜築此園林百年風節投閒地十畝
烟波退老心香草美人空悵望園有香草亭美人之居桃花流水漸銷

沈傷心遺跡無人問一樹斜陽噪暮禽

汪天與

字蒼孚號畏齋本歙人移籍儀徵官戶部山西司員外刑部福建司郎中極爲超羣毅公所倚重後

以事罷歸畏齋幼工詩兼善楷法王文簡蠶尾續集題

五世讀書園云前賢讀書處五世尚名園風雅持門戶

弓裘到了孫爲畏齋作也著有沐青樓集七卷
次韻奉詔梅雪坪洪繡泉題六如居士漸江僧太函山

圖見贈之作

先人別墅白雲開竹徑松扉靜自關作客十年勞夢作誦君
五字抵身還圖傳妙手畱遺篋酒對良宵話故山斗室自今
聲價重常教雙壁照人寰

原詩有才子詩僧狂與在
好畱雙壁在塵寰之句

議濬保障湖

廣陵據天心佳麗擅夙昔寶帶河繞郭蜀岡展其北中間十
里湖一望涵空碧所以鍾靈區文采稱第一嘗聞抵平山揚
舩競挂席歲久長葑菱於今苦壅塞但許浴鳧鷖扁舟不可
刺安得復舊觀形勝敵當日

葺五世讀書園畢桂花初開邀諸同人代簡

蘭成小築俯蔥蘢五世書聲欲比蹤四面繞籬千箇竹一山
橫閣萬株松新開未得三三徑舊對還畱六六峯叢桂浮香
連日好敢憑詩酒寄疎慵

汪淳修

字質存號默人又號香谷汪畏齋第五子也官湖北安陸府同知署安陸府通判漢川縣知縣年入

十餘著蜀遊草一卷霧隱山房詩集二卷乾隆三十四年刊

奉檄轉餉西川道上口占

甫承新命郢中丞又奉鈴符指大鵬
十萬軍儲催白羽三千驛路到黃陵
梅開古渡逢人折柳倚高樓待客登
豈用書生充伍隊棧雲西去打包僧

宜都縣

嘗聞蜀道難無比楚道難於蜀道多纔出
獬亭三十里已經七十二溪河

郭

法字秋浦江都人康熙丁酉舉人官羅源縣知縣

錫山舟中坐月

十里陂塘放晚舟柳陰深處泥人留
一峯低影月方白半欄

生涼雲欲秋竹笛弄風和露坐茶瓶汲水帶星浮詩情酒思誰能減似此風光未易酬

夏聞善

字大士高郵人

漢江晚眺

江勢約奇變溟濛勢接天日斜紅劈雨雲淨水浮煙塔幻孤青直帆渾遠碧偏炎熇浴秋氣樹樹曳鳴蟬

夏之芳

字荔園號筠莊高郵人雍正癸卯進士授編修改監察御史丙午巡太倉甲寅巡山西乙卯以漕贖

酉任滿復留庚戌巡太倉甲寅巡山西乙卯以漕贖舊誤鑄級歸乾隆初元起補浙江道御史掌河南道事以內艱歸不復出檢討程恂撰墓志銘謂其明誠質厚信孚朝野詩賦古文才氣橫溢著有臺灣雜詠百韻一卷西遊小乘一卷乾隆甲寅其曾孫長源重刻

臺灣雜詠百韻

選三十首

紅毛百雉半頽垣雙榜迷離海氣昏共指賀蘭遺舊跡戍樓

空有夜啼猿郡治紅毛樓與安平鎮紅毛城對峙海上乃賀蘭所築

深冬犯曉只春衣芋蔗村村露未晞到處青林閒綠野海東

風景覺全非

弔古攀今孰請纓功成襄壯令嚴明笑他偽鎮稱神武竊向

潢池學弄兵施公環以開臺有功謚襄壯侯偽鎮劉國軒屯兵於城北名曰仁武鎮

仄徑紆通斗六門山牛遙觸壓荒村畫開地險須重障竹脚

寮邊戍卒屯斗六門去竹脚寮二十餘里為生番隘口其地有牛相觸山

騶前赤紉揭雙竿遠迓輜車夾道看跳舞番童怪粧飾銅鈴

響處羽為冠小番于髻上插雉毛銅鈴以飾觀每過一村必用竹竿結綵鳴金以迎

牢拴竹篾怕身肥帶孔頻頻滅舊圍愛把細腰借鳳卜楚王

宮裏夢雙飛番男至十四五歲即以竹縮其腰束令極細以便捷走方能得婦既奉手乃除去

臂插文書任所之飛行麻達好男兒雙懸薩鼓聲聲應屢得

蠻娘競說奇

番未娶者曰麻達專遞公文腕上多累銅劍復製二鐵卷如小荷葉狀名曰薩政宜疾走時反

繫腕背與銅劍擊撞聲遠番女聞而悅之

小番鬪捷走如風拓得圍場萬竹中響急銅鈴疑陣馬當先

爭奪錦標紅

小番以善走為雄因繫紅布于竿上令數十人于七八里外競走奪之名曰奪標

狡童教冊獨空羣鵝管橫描蝸篆文豔說紅毛舊時字好將

番籍紀紛紜

番童有習紅毛字者以鵝管蘸墨橫書自左而右謂之教冊凡一社出入簿籍皆經其手

老番拜舞復迴旋細叩生平劇可憐歎息窮荒生事苦丁徭

田賦說當年

老番年可七八十能言僞鄭時事每歎息鄭政之苛

金梭輕擲夜深聞獨木虛中杼柚分織就天衣無殺縫屨毛

五色達戈紋

番婦織布以獨木廣五六尺者虛其中為機織毛為五色曰達戈紋

秋盡官催認餉忙一絲一粟儘輸將最憐番俗須重譯谿壑

終疑飽社商

社皆有餉每秋末則縣尹召令認餉示以時應完納也番音苦不可曉必賴通事代辦故社商

雖革而通事情
僞實難盡除

餐風宿露爲當官宿食經旬一飯九多少豪民安飽甚動云

番性耐飢寒

番出應差止以雙手團熟飯一塊繫於腰間鎮日療飢止此其實番亦歎飢苦有可憫者非盡

其性然也

北番風俗半傳聞竹塹遙通八里坌干豆門邊湖水濶沃饒

千里隔煙雲

竹塹八里坌皆社名也干豆門乃入雞籠淡水之總路并近內山生番地界傳其內有大湖多

膏腴之地

內社諸番氣未馴如魔如鬼獨稱神植打雞距工飛走跳躍

猿獠是比鄰

北番種類各有雞距番兩足多一指向後如雞距然走穿樹木如飛履平地則遠不及人

荒墮攢來耦十千紛紛窺籍占田閒可知地利不須盡生聚

應思及百年

半線以上土番荒埔甚多時議欲招人墾種細察情形宜聽土著之民漸次開闢不宜一時盈

墾致地利盡而流民集也

金湯永固藉雄兵極北分屯淡水營磺氣漸消田漸闢料應

添築海邊城

淡水南北地極曠遠尚可增置郡邑

閩人輕情粵人勤墾置田園內外分占籍莫嫌多客仔會職

朱祖作前軍

臺皆閩粵人錯處凡粵人莊田指曰客仔莊又曰內莊與閩人氣味各別辛丑之變兩不相容

朱一貴原名朱祖其前軍為粵人所覆

二林迤邐接三林淡水滌洄鹹水深極目滄波浮海市一拳

真欲笑蹄涔

自北而南沿諸港而行海天空濶視一溪一壑真滄溟中之點塵也

觀音山徑幾灣環羅漢門邊虎豹關笑指當年空守戍但知

深谷有烏蠻

羅漢門為臺鳳諸三邑總路與生番地址相近昔年朱賊嘯聚于此而邑人不識也

手刃番黎血尚腥忙鑄肌骨作人形遍身競睹人多少方信

當場孰慣經

番每殺人必于己身刺一人形殺番則刺腰以下及兩足殺漢人則刺腰以上及兩手以人形

多者為雄同社人俱不敢與抗

爲憐淳悶尚艱鮮食貨交通列市廛最是居奇無賴子動將
寬政作姦緣生番社無鹽布每與熟番漢民互市相浴既久
有土豪巧取重利以剝番名曰番割因之句引
作姦生番
屢爲民害

澤州道中

官程日夕傍山城翠嶂丹崖互送迎地軸千盤疑浪盪天衣
四合欲風生唐民止解桑田急儒吏曾聞鄉校成寧起幃帷
頻問訊可能不負誦絃聲

曉發壺關

盤馬大行嶺孤城雲外懸摩崖分地脊疊屋架山肩俯瞰初
生日高臨當面天晴霞征縹渺萬勿欲飛仙

贈朔平將軍

將軍偉跡起龍沙細柳營門疊建牙樓櫓舊澄江海月旌旂

新變塞庭花風清玉帳紆裘帶雲藹金城靜鼓笳宿將登壇
威令肅好憑謀畧壯天家

夏廷英

字祁階號伊園高郵增生鄂西林相國試揚州以伊園爲第一人同懷弟之蓉廷芝兩太史皆所成就遊京師名公卿爭以禮交性孤介不諧于俗深于宋儒之學工詩著有伊園詩存高郵王文肅序之曰古篤學君子也子元春刻之

感懷十四韻

觀化苦不常乘時恨不早伏几事姬孔丹鉛恣蒐討時序觸
幽襟殷勤動懷抱金飈拂秋曙蕩漾秋原草寒蟬靜林響蟋
蟀鳴堦好仰觀檐楹花燦燦含新葆細雨湛芳蘂低枝媚晴
昊蒂萼纔展舒風霜旋潦倒晨起秋花榮夕起秋花稿驚彼
志士心容顏難自保菁華少年時光陰惜如寶常懷禹稷思
致世成熙皞忽及鬢眉蒼壯志空浩浩憂哉商山躅採芝將

終老

寄五兄

慈親強飯能供膳稚子恒飢尚抱書我更一竿新製得年荒
學釣五湖魚

荒涼三徑滿藤枝老屋牆頽雨更危歲歉人閒無箇事野麥

飽後看陶詩

夏之蓉

字芙蓉號禮谷高郵人雍正丙午舉人為鹽城教諭癸丑與弟廷芝同登進士乾隆丙辰大司空孝

感淦公以博學鴻詞薦考列二等授檢討又吏館丁巳丙巽歸庚申服闋赴補甲子典試福建還京放廣都學

政丁卯任滿湖南學政王申充順天鄉試同考官八月休致歸主鍾山書院淮安書院講席甲辰八十八歲

卒于家詩以杜韓蘇三家爲宗沈雅健卓然大家其門人會稽茹敦和拔墓志銘謂其虛衷樂善出乎天性

於己不諱其所短於人務盡其所長

著有半舫齋古文八卷詩鈔二十卷
孟城古蹟吾鄉李北岳先生有詠孟城古蹟詩謂穆
舊傳八景率俚語耳檢事之載在史冊考誌

之甚爲知言茲更
加斟酌以俟來者

頭陀寺

在北阿鎮宋大明五年始建齊建武中修王簡栖製碑文宋江湖長翁有宿北阿詩云

應弔孝逸碑或贊頭陀卽此謂也

散策臨下阿古意時復動近溪信盤紆遙岡互迴從野田雜

樹多高下攢蒼蒼問知舊寺存人代苦迷情追緬始經營規

畫出蔡孔

宋會稽孔顛濟陽蔡興宗先後建堂室

江夏復繼之裁巢翔蟻竦

齊郢

川刺史江夏王奉敕修

霞抽簡栖筆爛漫倒金求英辭伏庾信後步失

江總風雨閱齊梁遺碑墮荒墟象教旣淪歇無由覲樂拱始

知鴻文垂歷久自森聳念此深宥皇徽鐘過殘敵

天王寺吳道子畫

唐吳道子觀音畫像在今天王寺中舊傳有竊負者匿之舟中至中

流雷電震樂因復還其故處

胄曹天藝絕精思貫元宰畫壁如畫空無處見闔捩自從奉

詔敕好絹未輒灑人間少留傳譬等角中獬古寺張素壁大幅呈崑磊斷縑蓄真意寧慮岑雁給誰爲胠篋謀中流自惶駭奔雷蹴高浪試問所由乃妙蹟信通神觀者競填委或言檀施久不費萬金買青紅終莫黯字記開元在夜半鎖匣深猶能動光彩

文游臺

上有四賢祠宋眉山蘇公軾寓賢王公羣鄉賢秦公觀孫公賈

高臺涌孤清城斜勢迴抱其下明遠漪其上耿寒照當年三四公風標各英峭共歡林閒酌亦振天邊嘯畱稱表遐聞惜往動餘眺秦蘇本諒宥孫王始同調中閒異所挾各是更相笑齟齬起正直楚越成困譙他時空江上辛苦欣共勞乃知磊落人晚益契淵妙東山鬱岩壘秋氣增慄慄豈獨懷風流庶亦感交道

珠湖

自龔社湖孫莘老讀書湖上有珠光燭天後爲龍圖閣學士

百里走支祁長湖勢多積墮月搏冰胎方諸秋淚滴一朝成
葆抱萬古清暉逼巨殼帆張揚掣影動飛側蜃龍不敢奪況
使緯蕭得珠來澤多媚珠去陂但碧尚稽皇宋年高賢此結
宅潛姿發英曜遠射半天赤我來尋軼事人物兩無跡所欣
渺空濶清光自蕩潏淼淼雲濤盤到海惟一息斷霞晚更明
放舵如貼席

嵇莊

宋遺侍郎柳岳如元乞封高郵民殺之卽莊官嵇犇也後文信國過高郵宿嵇莊設醴待之

遣子德潤客林從學送至海陵得航海去

有宋頹天綱時勢方遶迤撫肌能慨慷越在蟻蝨臣侍郎從
南來手捧御敕新煌煌大邦使弭首而容身臣誠憤所切無
力排帝闈起斷侍郎頭疲茶聊一振哀哉文丞相隻手扶孤

輪流離出閭道倉皇類驚磨一髮能幾何顧欲繫千鈞草堂
燈火微相視含酸辛殷勤具舟楫高誼凌秋旻時危節乃見
草澤非無人

英烈夫人墓

南宋榮全據高郵叛召官妓毛惜惜佐
酒全鬻之事聞贈英烈

夫人墓在南門子城內

忠臣哀國恤義士酬知已有美伊何人嶽嶽標令軌昔奉將
軍歡從容佐厄匪將軍乃宋臣半壁謂可恃胡然作反側彝
倫自頽圯亂賊人共誅千載貽詬詈妾身猶鴻毛妾命等螻
蟻鼎鑊固所甘誰能穢青史采葑亦采菲下體慎勿以榮名
身後褒過者慙且泚丈夫生死聞所求惟一足蒙恥而偷存
瓦全何足齒

讀魚川詩集

李北岳
先生著

巽湖才子青蓮後，早入名山探二酉。解經不讓戴侍中，奪筆
會驚王祭酒。魚川書屋傍東臬，帶水盈盈蔭榆柳。上追雅頌，
逮莊騷。疏越朱紘，常在手。白頭未奉一囊粟，骨酪權奇嗟老
朽。耳官失職，心通靈鑄，削牢籠窮萬有。先生病軀益窮愁著書漢魏作
者久沈寂，入耳嘈噴鳴。瓦缶公以大力爲驅除，濯濯新苗去
稂莠。大江以南聲噌吰，俯視羣峯盡培塿。商邱中丞雅好士，
鈴閣初開召賓友。曰：女，今代文章家。語見本集每爲當筵翦春韭，
蘭茗翡翠聚成帙。一鱗片甲光已剖，中丞刻江左十五子詩至今寶惜
逾拱壁。誰取相輕同覆瓿，吾鄉國士推秦郎。淮海遺編燦星
斗，五百年中得替人。每對高風重回首。

蒲簾和孫蕤田作

夜明挂珊瑚，雲母橫翠箔。士有豔俗心，豪華得相縛。我生守

初服寒修愛恬泊身外真奚須隨處成濶落蒲簾漾局室厥
制殊清約價雖遜湘筠用可代油幕繩樞稱短長風味殊不
惡光連霜月明影對寒燈削粵古高潔人矢懷茹藜藿誅茅
護漏痕牽蘿補雲脚有時甘緯蕭亦或勤織薄遺躅伊可懷
緬此了無忤客有乘軒來車馬何駢錯欲入還踟蹰寒飈鎮
蕭索

書少陵詩集後

三閤老逐臣江潭發孤詠千秋杜少陵攀駕兩輝映上不忘
至尊下欲拯庶姓漂泊干弋閒觸物寓比興耿耿稷契懷文
字與志稱所以萬丈光歷劫不能竟詩法啟後賢任取無不
應肩牆看元白涉樊得韓孟派衍到西江積漸歸苦硬最下
乃北地衣冠以爲病從來風雅宗必具忠孝性但向文字求

何由覓畦徑

書昌黎詩集後

昌黎敘詩人斷自陳子昂感遇之再變秋懷以成章琴詩更
淳古與絃淡相忘一闕李杜室再短曹劉牆肆力作奇怪文
雄力相當此如扛龍文勇不主故常慨乎渾沌游七日誰斲
傷巧思與神算智力爭翱翔巨靈擘華嶽五丁開蜀疆此意
欲何問真宰方茫茫

書東坡詩集後

楊錢振華藻歐梅循本根宋初風未開蘇黃始高騫黃如螯
蛟動雲變雷亦奔蘇如曜若華映蕩開天門就中文物盛蘇
也道獨尊泱泱楚風大浩浩江湖吞才高規矩脫學富理蘊
繁觀其得意時飛渡無轍痕一談與一笑其人千載存自夫

嘉隆後詩病深隔垣壇坵迭衰盛宛轉皆觸藩誰爲瞑眩藥
足洗腸胃渾公詩寫萬本可與知者論

射陽湖歌

淮陰之背廣陵北中有長湖界天碧茫茫巨浸五百里島嶼
烟雲弄佳色伊昔廣陵王盛時暇日校射風雲馳短衣虎士
白羽箭銳頭將軍金戟枝君王一笑墮飛翼坐號此地爲射
陂矧弓激矢事已矣陵谷百變成推移惟有射陽湖上水灌
漑陂田利無已金支翠旗時出沒江如漢女何明美濯足洞
庭凌八荒挂帆徑欲從茲始

飢口行

孤村如荒墟四圍皆積水奉檄勘飢民觸眼見瘡痍里長基
戶冊牽率來拜胝輶鯨几案前扶掖不得起逡巡入其室破

屋半傾圯牀上飢兒啼唧噥聲未已瘦妻布裹頭著脚無完履冷白著何物云是蕨其子腐惡令人嘔賴此得不死誰云人命重僅與螻蛄比聞之尚酸鼻見者應頽泚

紀

恩詩

時釐清積次

物彩輝吳楚星躔盼斗牛軍儲資沃土民力引泉流此地官租盛當年國計周歲供惟取正額賦必裁浮穗稔書頻上徵輸數未酬司農勤會計

天子切咨疇睠此東南賦爲持七箸籌澤鴻應有恤社鼠豈容偷民吏須釐剔逋亡合勘讐輸車宣

德意星使聚郊陬校冊清於水披根朗若秋三年周蒞屋萬里裕徽猷

特旨飛綸綽

新恩速置郵廿年舒限額二鬴足春枕奉

均年帶徵

旨取次全忠

愛從容釋競絳柴桑多好
在雞犬亦優游暮雨江門榜春風
白下樓麥花齊繡陌烟水正盈眸
翠隴耕宜力青畦耒竝修
呼嵩同忭舞千載奠金甌

御試山雞舞鏡

得山字

靈禽振采出名山異質爭傳五色斑已向清風頻弄翮更從
明鏡一窺顏梳翎自愛丰標迴顧影還疑飲啄閒色擬流黃
同煜爚文垂薦綬共燐燐花冠映麗紛攢簇繡翼離襪類轉
圓掩映雙看冰鑑合空明對拂錦毛殷欲揚還抑聯翩裏似
往仍迴轉側閒豔逼畫屏金孔雀光分青瑣玉連環逐波灘
鷗浮沈見偃岸芙蓉上下扳斜展翠翹臨夕照遙連翬扇動

清班宮櫻新琢流鶯度禁柳深藏綵燕還爭似山雞隨鏡舞
常依鵝序覲

天闕

和昌黎石鼓歌

商周典禮可見者存諸雅頌爲詩歌王綱旣微王澤降載籍
放失今如何春蒐夏苗示儆閱寓以神武期止戈中興之功
此爲烈與日月光垂不磨胡爲琢石棄諸野不共吉日同駢
羅神劒破壁寶鼎沒之罟秦望空嗟哦自周迄唐一千歲始
經抉剔從山阿昌黎一呼世尤震陋儒大官遭斥呵非秦李
斯非字文亦得據以釐舛譌悅如魯恭壞宅後古文字出驚
蟲蝌古色粲粲蟠蒼虬大聲淵淵聞靈鼉文章道衰自東漢
春華炫耀無根柯去經甚遠失機杼別從組織求靈梭嗟公

好古獨不妄手闢荆棘成委蛇泐淮西功告萬世聿追皇始
攀星娥一朝砂石碎文字坐令識者悲滂沱是知俗學塞道
路謂疏越音爲不和公從四門博士時乃欲與俗除白科請
移石鼓入太學比漢石經功孰多緬懷隋氏失統馭四海荆
棘埋銅駝神堯底定盛文物圓橋濟濟髦士過先師先聖燦
楹殿太學立周公孔子廟始於此於樂鼓鐘宏切磋貞觀之中議釋奠學
海又始迴頽波釋奠遺官分獻始于此謂宜雅化及三代作人造士無

偏頗惜乎正學驟不講制科以外無其他高文奇字不寶貴
明經進士爭姸媿倘從此請示風尚表章法物交摩掌庶幾
刑僞返眞樸六經文字家吟哦嗚乎成議格不用空令筆陣
排鸛鷺歷宋元明卒大顯神物守護豈不那祇今屹立在兩
序經生就讀闕車軻

聖朝更彰樂育典文治緯地江與河清風有誦繼吉甫俟之
大雅毋蹉跎

和東坡石鼓歌

宮曰磨蠍星紀丑生同值此者二叟文忠文筆踵乎韓嬰蜺
連卷龍蛇走石鼓之歌尤奇絕誦之萬遍沫流口稱周功德
誅暴秦高文垂鑒千載後識微鑒遠謀國心不必卮言十之
九當其筆力縱掣時角銳不數柳州柳是時石鼓在太學煥
奎壁光連北斗公來從政始謁廟驚覩再拜肅兩肘我觀宋
道方甚盛多士彙征雜苗莠勤令白眼噉世名靜者辨姦不
與友一旦得志果狼戾排斥歐呂忘乳教嗟哉變法竟雕喪
棄地他年紛螭蚪公之賦詩未及此遂已先幾思耆耆周王
中興任方召撻伐戎夷應指喉遠經江漢張國威城謝封申

崇罔自三復公詩念鼓鑿真以箴頌寄矇瞍豈爲矜奇炫文
字梯危鑿險摹响嘯嗚乎有宋階亂誰佐以惠卿後子厚頌
言鑄鼎象神姦刻石大書記誰某黨錮流傳漢與唐宋季誅
鋤古未有石工不肯鑄安民欲全廉恥甘鞭杻彼當國者忍
爲之攫駢而噬桀之狗司馬丞相三數公維申及甫生豈偶
晨星落落在天下一遠近蒸黎盡翹首譬如皇古法物在飽蝕
風霜終不捨我生公後五百載太室藏書恣攜取今從辟雍
拜且讀快得爬梳淨無垢金石詎可傲陵谷斯文億世爲寶
守乃知大業亘宇宙石載豐功寧或朽吾儕但勤補袞職莫
慮千秋名不壽

前與友人和韓蘇二公石鼓歌今遊成均意有所感復

和二首

嗚呼萬物有顯晦聽我重歌石鼓歌賤埋糞壤貴璠璣世變
浮雲經幾何詩書乍冷祖龍焰重瞳隆準紛干戈陳倉古道
多戰壘此鼓何幸無滅磨東京之世盛文物鴻都虎觀羣英
羅會同攷古光聖籍石經刻鑿何峩峩是時石鼓宜顯出胡
乃棄擲空山阿南浮五馬神州沒僮不識字何足訶僞劉小
夫強解事蒼姬乃以宇文譌溲溲趨趨不可辨奇古作匹孔
壁蝸我觀籀史出新意勁氣直欲摧蛟鼉厠之雅後詔來詰
森然一片琅玕柯二千餘年迭興替俯閱人代如奔梭寢莎
枕莽鬼物護誰與揖讓相委蛇韓公拔奇具深識手扶雲漢
披星娥劫灰歷盡焰未滅肯使至寶淪江沱唐遷大梁宋舉
北從此得聆宮商和更元迄明逮今日儼與鍾籥同其科幽
光從萃色斑駁屹立兩序觀者多頓令芒寒五百字不隨荆

棘悲銅駝伊昔崆峒留帝跡岫山亦傳神禹過穹碑嶽光留
至今殘痕斷畫紛相磋有如登山瞻太岳又若入海窮滄波
臨平之鼓嶧山礪縱復翕赫猶偏頗拓本流傳動嗟賞夙願
已愜無餘他狡奔螭蟠牙角在陋彼俗搨徒媵姍我

皇稽古崇道術

臨雍講學躬摩挲楊修嗜古事幽覽張華博物工長哦三希
墨妙更精絕體窮倒薤兼浮鷺此時石鼓耀萬禩元精耿耿
王居那況今下

詔徵經學賈孔竑載交軫軻作人有道邁周京圖成五老來
游河鼓兮有靈振聲曠聿光文治無蹉跎

和韓

我遊成均立廡下邂逅復遇燕門叟自言壯歲入官學索索
小巫同下走有文空慚扛鼎力欲辨更怯懸河口繡此法物

列兩楹頌罄鳧鐘相先後昔時昇致孔廟中十鼓初僅得其
九偶偕春白散復聯字句未殘鱗貫柳歲久只今損芒角煥
發猶堪麗星斗涓涓壁水流其根鬱鬱枯藤枕其肘國家設
立大司成宜植嘉禾去驕莠模今范古事追琢玉振金聲藉
師友自來博士傳遺經不棄豨苓及馬敦閭憑石室啟琅函
亦從古壁摩科斗頗見臯比沿故事自詡官階推宿耆升堂
講學無根源拱聽諸生爭指喉獎借紛紛逮燕石拂拭往往
遺商卣每逢釋菜入宮牆徒聽賁鏞奏矇瞍尋源旣已昧宛
委探義無復窮响嘯深衣大老皆腐儒兩目昏眵愧顏厚白
沙在泥與俱黑欲問薪傳竟誰某我聆此語重歎息何代人
材竟蔑有古稱養士在太學南山之栲北山柎詩采雅頌鑿
興亡禮肅籟劍豈芻狗西膠東序列鐘鼓昔人作事原非偶

曾聞孫敬日編蒲亦有朱雲能抗首古文徑須安國傳寶物
寧遭季倫培倘安牆面不解慚雖過橋門亦奚取古訓未數
當有歸良玉待賈先去垢周情孔思浩無涯尺組寸璣難自
守君不見韓蘇兩公作此詩勁筆凌雲拉枯朽休明鼓吹誰
嗣音上之

彤廷歌曼壽

和蘇

試院中秋

畫堂十丈清輝發遠見東山湧銀闕白毫耿耿落階除過眼
秋風自飄瞥春蠶食葉故有聲戰螳橫戈今未歇漏移樓角
漸消沈燈漾風帘半明滅我昔詞場三戰北青衫淚滴猶餘
血深叢兀傲憐孤羆肯使霜蹄困顛厥開樽不飲聊自語對
景有懷思轉結願借銀河千斛水洗我眼作光明月

史總戎署中觀小鱷魚

長弓響落朱海涯百怪消縮澄玻璃將軍馬上五色旗雙眉
未豎威風馳老鱷遁走畱其雌大杵得得春爲勸遺雛殿觥
緣叮咛得而腊之懸庭楣韓公精誠通神祇豈在羊豕投寒
溪遷雄詰曲多奧辭累簡不足欺鱷鯢

大宛來歌

古大宛國卽今哈薩克也
使獻名馬表請內附視漢代蒲稍之咏爲尤

天威所加遣

烈矣敬作歌
以紀其盛

鈞陳萬里揚

天威仁風義氣隨六師有窮髮者自稽顙大武不用兵力爲
昔聞其名今僕妾遐哉古之大宛國戈鋌不爲遠物勤坐見
蒲梢下西極天驥眞駒雄八荒嗟爾豈得誇乘黃軍前駱駝
行前擬蒲萄苜蓿隨以將聊用藉手荅

聖皇騰驥磊落千匹強超軼朔漢瞻

天光伊昔當年漢武帝天馬迢迢金馬碎使者遮關又幾時
貳師功業何憔悴

聖朝特示羈縻意不重來琛重歸義休陳漢代郊祀歌直是
周家越裳雉櫬槍掃盪

恩德宣雕題鑿齒爭後先豎將銅柱全收地屈指樓蘭首可
傳

夏廷芝

號嘯門高郵人雍正乙卯與兄之蓉同登進士改庶常授編修轉侍講提督山西學政辛未年卒

書台州司馬成公

康保

崇祀錄後

霓裳聽徹大羅天經術爭傳漢璿賢判事彩毫薇省重搜才
珊網晉陽懸忽看周璟題輿日恰似龐公展驥年寒石臨江
留蔭遠清風長共水濺濺

赤城縹緲拂靈旗不數桐鄉報德時遺愛竝傳司戶宅豐碑

還埒長官祠

陳長官五代時人

有馨椒酒春秋列勿拜棠陰父老思

千載檜溪長澨澈臣心當日畏人知

夏曉春

字南指號鶴泉高郵人之荅子乾隆庚午舉人官山東滋陽縣曹縣知縣署曲阜縣曹州同知寬和

調懲猾吏開曲阜春亭等社水利剔漕弊頗著循聲甲午以父母年竝八旬告養歸卒鶴泉少穎敏文譽冠值

輩豪於詩落筆千言有湖海之觀子味堂手錄鶴泉詩鈔二卷寄選亦克家之子也

北阿

晉太元中謝元敗秦兵於三阿唐光宅中李敬業取潤州屯兵下阿溪卽今北阿鎮地

北阿名所傳本自戰伐餘稍記太元歲復歎光宅初義旗非
無名危祚切所扶云何營窟穴戀棧失遠圖永辜山東望飯
麥兵伸鋤迴軍七千級於此血滿渠馬腹誇往智烏噪悲亡
符蒜山一潛遁海上傳囚俘同時楊初成秉節毅且孤房州
縱未還精誠諒難渝風生草檄處零落悲須臾煌煌紫陽筆

起兵仍大書

天祐府

張士誠初據高郵僭稱周天祐州故有天祐府明平吳後卽毀之

江淮久安居尚論增感喟孫楊昔攻奪此州轉相替小大自侯王兵甲裹精銳誰從至正末草澤盜名字建府羅旌旄揭竿恣睥睨輟耕志寧遠么麼逐時會父老誇駭頤割據帶形勢豈知燭火光滅不待終歲宮湫故礎消榛蕪悉燒薶遺揚白駒近指點空繚戾向來負與販生活亦自計飢寒苟無門莫道甚微細

嵇莊

宋遺侍郎柳岳如元乞封至高郵莊官稱聳殺之後文信國過嵇莊聳設醴以待遣子德潤客林從

學送至海陵得航海夫

臯亭論激右相亡譎言警備連淮揚溫州東蔽蛟蜃氣糝羹黃荷飢踉蹌設醴相待者誰子草堂竟夜聯繩牀傾懷慕義

到骨肉海陵一別飛孤航海上精忠薄星日未僚同志扶顛
綱君不見衝冠頭斷柳侍郎憤勇競說嵇家莊

鵲華烟雨

萬古青如此遙遙望鵲華烟迷神女石雨暗赤松家峭壁盤
龍脊危峯立虎牙尹邢雙獻媚評隲未曾差

柳城道中

去寶邑五里卽李
白馬上聞鶯處

蕭蕭衰柳環爲城樹頭斷續寒鴉聲惆悵西風送落日蒲帆
百幅濤花迎我之寶應聊一經晚陰漠漠秋雲平眼前烟景
憶李白何必馬上聞啼鶯

大水七歌

黃河之水天上來水由故道無舛乖天吳作祟倏奪瀋河南

兩縣當其災

儀封考城兩
縣河決被衝

朝廷金錢發百萬急甦民困歡聲匝薪柴樵石覓他邑及時
堵禦良難哉長波不向清口走直頭洪澤無津涯嗚呼一歌
兮河口決城門有火池魚滅

高堰旬旬皆過水周橋五壩虛設耳衝波下及高郵湖三十
六澤滄海似雲霾雨打地軸翻浩蕩欲與天門連湖畔危堤
只一綫河西編戶河東遷官河水勢高兩丈羊頭擊石聲闐
闐嗚呼二歌兮河水滿再增恐沒城三版

城池保障怕冲溢治河大吏羽書疾撥民一日三壩開

謂五里壩

車邏壩

最遲申壩猶連掘建瓴一瀉千梭穿下河廬室漂如

馱連阡晚稼無半粒水頭依舊高噴既嗚呼三歌兮水不涸
何時得遂安瀾樂

范公堤西勢紆折江潮逆漲喉難咽決口那堪三百來奔瀧

南下無休輟無風晴日猶和融有風婦孺驚惶蒼天幸不

絕人命怒號萬竅唯南東重九已過忽西暴蚩尤殘酷借豐

隆初十日西風大作雷亦不絕嗚呼四歌兮風不止高軒如坐愁城裏

姚關羅壩忽決開湖中之水騰騰來金門一開工最險時有

滲漏侵官街俄聞杭家嘴已倒內隄如帶非離堆萬家塘與金門對

二官符揭畚陳壩上萬築登登親度相鄉老糾夫夫不齊無

計身投魚腹葬南門鄉約王某因倉卒開雇夫不至投河死西門東門久不開水

關緊塞重圍障嗚呼五歌兮官役勞瓠子未塞終滔滔

長官屬念負郭民沙壩不開水長屯餘波反泝到書屋余家後河

水漲已至梅花書屋牆根矣枯池三尺波生紋池中水久涸今忽得三尺許與河面平通湖

橋頭漚復急年深直恐橋傾覆水如灌頂將奈何縱有危樓

勢不敵嗚呼六歌兮杞人憂陰雨未至先綢繆

父母八十筋力疲掩耳不及危難持女嬃延請入城內雙輿
安穩登平遠骨肉相依十二口阿女趨向伊家走季媳攜兒
歸阿孃如身脫械手脫桎分人寄食待安排暫息心魂慰老
朽嗚呼七歌兮各僑居燕雀處堂聊自娛

張師孟

字象巖江都人好施與里人號爲長者著有詩集

宿焦山與笠上人房

薄暮登山寺禪房半掩扉烏栖新月落風急晚潮歸水族深
潭隱漁燈遠岸微江空鐘磬靜塵夢夜來希

姚

恭

字悽巢江都人

遊狼山

樓榭結山腰行行一徑遙空龕僧語寂古木夏陰彫雨過泉
通寺風迴海落潮振衣凌絕巘明月更相招

顧不疑

字卓如號懶
庸儀徵人

爲黃銓部題黃雪山房

聞卜園林汶水陽
槿籬新插閒垂楊
和雲移石偏憐瘦帶雨
栽花不斷香曲折樓臺多入畫
商量竹樹要成行
烏皮几淨
明窗下酒滿蘭樽書滿牀

汪

揚

字文山
泰州人

寄懷俞棠邨姑蘇

鴈聲遙落水雲鄉
此日懷君道路長
何處青旗沽酒店
誰家紅袖校書堂
醉沈簾外三更月
夢破階前五夜霜
莫忘故人
情悵惘早梅須寄一枝香

錢青選

字漢儀號大樽
泰州人

春郊遊望

野岸風微日半曛江梅江柳鬪繽紛花扶綺轂迷紅袖酒倚
金樽泥翠帚水郭漲添新霽雨山家路轉欲生雲春光到處
句畱著薄暮流鶯樹樹聞

馬星

字高陵
江都人

午日讌集讀書堂

長將口腹累吾曹佳節排當笑老饕欲鬪吟腰誰我健何妨
冷眼向人高半瓶白釀春無價一枕黃粱夢亦勞記得去年
當此日冰鵝雪鮮費金刀

團

鴻

本名鴻雲字雲蔚儀徵人廩貢生
著有練光草堂詩天放草堂集

和潘雪帆畱別韻

相逢正值菊開時孤詠淒涼事可悲風木臯魚空有淚參商
杜甫更畱詩極天關塞孤帆影捲地烟花兩鬢絲懷袖三年

書不滅下言離別上相思

平原覽古

路入平原思渺然四君聲蹟至今傳
處囊上客尊毛遂蹈海高風得魯連
如許頭顱操一硯向誰肝膽弔千年
賣漿飲博人安在日落荒城起暮烟

登文游臺

蕪城北去有高臺學士風流總劫灰
但有王秦通雅會何須直定識雄才
川原落日牛羊下詞賦清秋鳥雀哀
我羨師生衣鉢近平山相望鬱崔嵬